

## STA: Situacion na Aruba ta uno hopi grave



**ORANJESTAD** – Recientemente sindicato di trahadonan di Aruba, STA, tabata tin un audiencia cu gobernador di Aruba, Su Excelencia Sr. Fredis Refunjol, pa asina papia di e preocupacionnan cu e sindicato tin pa loke ta e clase trahado riba pais Aruba.

Pagina A2

## Proposicion nobo na caminda!



**ORANJESTAD** – Un proposicion nobo ta na caminda pa e mas of menos 380 empleadonan di Westin cu e operador nobo kier kita pa asina por cera e hotel pa un renobacion extenso. Esey e minister di Labor, Paul Croes (AVP) a splica parlamento ayera den un debate urgente tocante di e hotel na Palm Beach.

Les a detayenan riba pagina A3

## Husticia lo intensiva cooperacion cu Hulanda



**ORANJESTAD** – Aruba lo intensiva e cooperacion cu Hulanda pa gara criminalnan cu a wordo condena na Hulanda. Fiscal Mayor Peter Blanken a confirma esaki despues cu minister Ivo Opstelten di Siguridad y Husticia na Hulanda mester a bay parlamento pa aclara e asunto di un cantidad di criminalnan cu parece ta sconde na Antias.

Pagina A3

## Arubus ta haciendo estudio pa por amplia mas espacio den nan busnan



**ORANJESTAD** – Awor cu Arubus a bin cu su autobusnan, cu a haya cierto rutan pa core, ta sufriendo di e taxi piratanan aki cu ta purba di ta un paso mas dilanti cu transporte publico mes. Pa e motibo aki, Theo Croes, director di Arubus, a comenta cu a pone mas bus riba e ruta aki.

Pagina A4

## Italia ta persigui hefe di mafia cu a huy



**Milaan, ITALIA--** Ehercito di siguridad na Italia a cuminsa un persecucion masal riba un hefe di mafia cu dialuna a huy di un manera espectacular na e luga Gallarte na Milaan.

Pagina A24

## Comision Meijers ta caba cu ley di Bosman



**Den Haag, HULANDA** – Segun e comision independiente Meijers e ley di Bosman ta contra cinco tratado internacional y dos directiva di Union Europeo. Comision Meijers ta bisa cu esaki no ta cuadra cu Hulanda su debernan internacional.

Pagina A21





Bo cadena  
di numbernan  
di suerte ta duna  
e number di awe

Sorteo di 5 Februari 2014



01 14 19  
26 29 33 L



2 2 1 6

Signo : ARIES



1 7 7 1



7 7 2 1  
6 5 4 5  
8 1 9 4



03 11 20 25  
20



01 07 10 13  
Mega Ball 13



4 5 6 8  
0 3 3 0  
5 5 0 3

DIARIO

7 8 2 2  
5 7 9 5  
1 5 1 1

SUPER  
4

6 8 4 0

Saturday, 1 February, 2014



11 12 20 23  
33 44 X3

\$6 MILLION

Saturday, January 31, 2014



3 9 13 47  
52 8 X4

\$94 MILLION

Den combersacion cu gobernador di Aruba

## STA: Situacion na Aruba ta uno hopi grave



Aruba.

### UN COMBERSACION AMENO

Mester bisa cu e combersacion a bay masha ameno mes, segun presidente di STA, Sr. Diego de Cuba. Tabata tin basta tempo sin combersa cu gobernador. E combersacion a dura mas cu un ora. Tin hopi cos cu a bin dilanti. Por bisa cu e tabata un audiencia hopi fructifero pa loke ta e gobernador y pa sindicato STA tambe. tur dos a keda satisfecho cu esey y den futuro lo por touch base un biha mas.

### UN SITUACION GRAVE

De Cuba a pidi gobernador den linea grandi pa papia cu gobierno riba e puntonan di preocupacion. Sigur cu den su calidad como gobernador e lo bay papia cu gobierno riba locual ta pasando na Aruba. Ta haci un apelacion tambe riba Parlamento di loke ta pasando. Hecho ta keda si, cu di parti di STA, tin cu bisa cu e situacion na Aruba, segun cu a analisa, ta uno hopi grave. Hopi grave den e sentido cu loke cu STA a declara.

### REUNION CU MINISTER DI FINANCIA

Supuestamente mester tabata tin un reunion siman pasa diahuebs cu minister di financia, Sr. Juan David Yrausquin, pa por atende diferente tema y tin cu bisa cu repentinamente el a cancela e reunion eyan.

El a keda di yama un biaha mas pa e siman cu ta bin, pero te cu asina leu, no a scu-

cha nada mas. Hecho ta keda cu tur hende sa cu edad di pensioen, e AOV a bay cu 65 aña. Conscientemente a sinta analisa e situacion y a bisa cu ta casi inevitabel cu APFA tambe tin cu bay den e direccion aki.

No APFA so, sino e otro companianan di seguro tambe cu tin pensioen manera un ENNIA of FATUM tambe tin cu bay den direccion di 65 aña.

E ta casi inevitabel. A analisa e cos aki den directiva di STA y a bisa cu si analisa e situacion bon, un hende cu bay baha cu pensioen di 60 aña di APFA, tin cu bay warda 5 aña pa e haya esun di AOV. Si tin di bay warda 5 aña, esun di AOV tin cu keda deposita den AOV y den AZV y esey ta come basta bon.

AZV cu e AOW ta come 12 porciento di bo, pues practicamente ta baha cu pensioen pero ta bay den un miseria. Pasobra ta bay disfruta solamente di 60% di entrada cu tabata tin anteriormente. E cos aki ta un situacion cu mester bay wordo studia. Den profundidad tin cu wak con ta bay yega na solucion, no pa esun di APFA so, pero esun di AOV tambe tin cu bay papia over di dje. Si tuma e ehempel di maestronan di scol, ta un tarea cu ta bin cu hopi stress y responsabilidad. Ora cu ta 25 pa 30 aña maestro di un scol, kier bay relax prome cu e celebros tilt. E trabao ey no ta un trabao facil. Tin cu bisa cu tin cierto sectornan tin cu bay evalua si e hendenan aki berdaderamente nan por bay den volle lengte, esta bay cu 65 aña, segun Diego de Cuba. □

**ORANJESTAD** – Recientemente sindicato di trahadonan di Aruba, STA, tabata tin un audiencia cu gobernador di Aruba, Su Excelencia Sr. Fredis Refunjol, pa asina papia di e preocupacionnan cu e sindicato tin pa loke ta e clase trahado riba pais Aruba.

Un di e puntonan cu a elabora cu gobernador ta e situacion cu tin na Westin Hotel, cual segun plan, lo bay clausura su portanan dia 27 di februari pa renobacion. Claramente esa-

ki ta un situacion cu ta muestra cu e situacion cu Aruba ta pasando aden, ta uno hopi grave.

### VARIOS PUNTO

Fuera di esey a trece padilanti den liñanan grandi tambe e cantidad di ilegalnan cu tin na Aruba, cu no ta contribuyendo mucho bon na nos economia.

Tambe a touch base riba e cambio di edad di pensioen. Practicamente e problemanan cu tin rond riba e pais

Diego de Cuba di STA

## Problema di mas grandi di nos pais ta ilegalidad

**ORANJESTAD** - Despues di eleccion, tur hende a ripara cu tabata tin audiencia cu varios di e sindicatonan y awor aki, considerando cu Sindicato di Trahadonan di Aruba, STA, ta birando un di e sindicatonan mas grandi na Aruba, Gobernador di Aruba a haya ta prudente pa invita STA tambe pa un audiencia pa e scucha tambe di nan banda kico ta nan pensamentoto lo cual a sosode.

### ECONOMIA NO TA DRAAI BON

Durante e audiencia, gober-

nador a muestra comprension di loke STA a trece dilanti. E situacion riba e pais aki no ta mucho di canta macamba, segun presidente di e sindicato, Sr. Diego de Cuba. Nos por mira na e cantidad di casonan di robo, casonan di criminalidad cu tin, atraco, hortamento, cu tur e cosnan ey, ta un señal cu algo ta bayendo fout.

Tin cu bisa cu mester trata di frena e situacion aki. Esaki ta señalnan cu e economia no ta draai bon.

Si tur hende tin un entrada husto cu por yega, cu nan por

come around cun'e durante luna, nan no lo bay haci tur e fechorianan aki.

### ILEGALIDAD

Por habri corant tur dia, por wak den prensa, television, scucha na radio, ta mira cuanto bagamunderia ta pasando riba e pais Aruba. Un problema grandi cu nos tin riba e pais aki ta ilegalidad. Gobierno ta e prome yama pa bay trata na stop di importa mas hende di afo.

A compronde awor aki, pa por desvia di e situacion di Westin. Segun e sindicalista, e

hendenan aki ta ocupa pa importa trahadonan di Mexico y di Republica Dominicana pa bin hinca den Westin pa yuda remodela e hotel.

Esaki ta inaceptabel, el a enfatisa. De Cuba no ta kere cu minister di labor, Sr. Paul Croes, lo bay permiti e cos aki pasobra el a declara esaki for di prome instante caba.

Ta compronde esey di hendenan halto den e sector aki, esta sector hotelero. Ta spera cu e noticia ey no ta berdad. Ta spera cu e keda na rumor so, de Cuba a termina bisando. □



*Pa gara e criminalnan busca*

## Husticia lo intensiva cooperacion cu Hulanda

**ORANJESTAD** – Aruba lo intensiva e cooperacion cu Hulanda pa gara criminalnan cu a wordo condena na Hulanda.

Fiscal Mayor Peter Blanken a confirma esaki despues cu minister Ivo Opstelten di Siguridad y Husticia na Hulanda mester a bay parlamento pa aclara e asunto di un cantidad di criminalnan cu parce ta sconde na Antias. Siman pasa De Telegraaf a publica cu nos islanan Aruba, Corsou, como tambe St. Maarten, ta un paraiso pa mas di un decena di criminalnan cu ta wordo busca. Lo tin mas cu 30 criminal pisa eyan, cu tin basta condena riba nan cabes, e corant a skirbi. Opstelten a aclara Diamars pasa cu ta trata aki di menos crimi-

nal compara di loke corant ta bisa. Tin mas of menos 91 sentencia contra Antianonan cu un castigo di prizon di 120 dia of mas. “Ministerio Publico ta supone cu tin 20 di nan na Antias. E por trata di menos tambe.”

Fiscal Mayor Blanken ta spli-ca Bon Dia na Aruba e cantidad di criminal busca no ta haltu. “Nos no sa cuanto ainda pero mayoria di e persona riba e lista ey ta di Corsou of otro islanan.” Awor Ministerio Publico si lo bay intensiva e cooperacion pa hunto cu e team special di Hulanda cu ta busca criminal condena cu a scapa y ta scondi pafo di Hulanda. Ora e team a wordo lanta un par di aña atras no a duna mucho prioridad na e accion pa gara e delincuent-



enan. “Nos lo duna prioridad atrobe manera priminti na cuminsamento. Pero prome nos mester sa unda nan ta y nos lo actua e ora di biaha.” Blanken lo ta na Hulanda aki un par di dia y lo busca mas informacion tambe over di e criminalnan.

Minister Opstelten finalmente a priminti Tweede

Kamer cu tin medidanan na caminda y nan ta cla pa pone man riba nan. E mandatario a wordo yama pa presenta den Kamer pa Ahmed Marcouch di PvdA. Marcouch a recorda Opstelten riba su promesa di bay “caya pa caya, porta pa porta y cas pa cas”, pa gara e criminalnan aki. Ta trata aki di criminalnan grandi cu

a haci nan mes culpabel di trafico di droga y atraco. E minister mester haci tur cos posibel pa gara nan.

E minister a sigura Marcouch cu e lo haci tur posibel pa extradita e criminalnan aki pa Hulanda pa asina pone nan tras di tralie. “Ta trata di binti criminal y nos lo haya nan.” □

*Minister Croes ta contesta parlamento riba e situacion na Westin*

## ‘Proposicion nobo na caminda’



**ORANJESTAD** – Un proposicion nobo ta na caminda pa e mas of menos 380 empleadonan di Westin cu e operador nobo kier kita pa asina por cera e hotel pa un renobacion extenso. Esey e minister di Labor, Paul

Croes (AVP) a splica parlamento ayera den un debate urgente tocante di e hotel na Palm Beach. E dos partido grandi AVP y MEP a pidi pa e reunion publico cu tambe a wordo atendi pa un cantidad chikito di trahadonan di ho-

tel. Minister Otmar Oduber (AVP) encarga cu Turismo, tambe tabata ta presenta. Na cuminsamento minister Croes a duna e parlamentari-onan e ultimo informacion cu gobierno a ricibi di Westin. Tres siman pasa un pakete



social a wordo presenta pa e empleadonan. Den e proceso ey a sali afo cu e pakete no tabata corecto pa tur trahado y a bin cierto cambionan cu pa algun ta menos atractivo. Esey a trece mas incertidumbre. Pero, e minister ta sigui, ‘diabierna y dialuna nan lo haci un calculacion nobo y lo bin cu pakete nobo’. E empleadonan no ta obliga pa tuma e pakete, Croes ta sigura, nan contract ta vigente cu Aruba Enterprises y lo keda vigente.

Tur dos mandatario a keda para riba e hecho cu gobierno lo nenga cualkier peticion di e hotel pa retira e trahadonan. Despues e parlamentarionan a hiba debate cu entre otro un peticion emocional di Guilfred Besaril di MEP pa para tras di e trahadonan. Besaril a conta e storia di su tata

cu tin mesun experiencia trahando na hotel y e parlamentario a splica e consecuencia negativo pa su famia. E tambe a pidi pa no hunga politica cu e asunto, pero e debate a sigui cu un bay bin di acusacion di e partidonan grandi. Minister Oduber a trece dilanti cu e tempo cu Grand Hotel a bay malo, nan a laga compania bay failliet pa retira tur empleadonan pa despues lanta un compania nobo cu operador Riu. E tempo ey segun Oduber, gobierno di MEP no a haci nada esey ta contrario di locual e gobierno di AVP cu a bin cu ley nobo pa proteha trahadonan den situacionnan asina.

Despues di tur e acusacionnan cu a bin dilanti a keda palabra cu mediador lo sigui monitor e situacion y lo yuda cu ful e proceso pa e keda transparente. □

BON DIA Aruba

**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903

RBC Royal Bank Acc. #1330772

**Sub-Gerente General**

Jaime Mata

**Sub-Gerente Editorial**

Dionne Fradl-Jie Sam Foek

**Redaccion**

Jenisse Thiel  
Lia de Cuba  
Margarita Els  
Maritza Tromp-Lacle

**Redactor Deportivo**

Nathalie Winterdaal

**Colaborador**

Oscar Vidal  
Seever Krozendijk

**International**

Mariano Heyden

**Fotografo**

Dino Tromp

**Ehecutivo di Benta**

Marijke Croes-Luidens  
Mark Gomes

**Diseño Grafico**

Michael Arendsz

**Aviso y Arte**

Sandra Loefstop  
(Hefe di reservacion)  
Gladis Palomino Silva  
Lando Rafael  
Robert Cortez

**Administracion y Distribucion**

Mariette Engelhart  
Martha Arteta de Ariza  
Jenny Lobbrecht - Kelly

**Colleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Yair Gambin  
Francis Dirks  
Martin Boekhoudt

**Agenda di Noticia**

Associated Press  
New York Press

**Afilacion**

Sociedad Interamerica  
di Prensa (SIP)

**DIRECCION**

Weststraat #22

Tel: 582-7800 / Fax: 582-7044  
email: noticia@bondia.com

BON DIA ARUBA

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. www.bondia.com

*Theo Croes di Arubus*

## Arubus ta haciendo estudio pa por amplia mas espacio den nan busnan

lanti cu transporte publico mes. Pa e motibo aki, Theo Croes, director di Arubus, a comenta cu no por controla esaki, pero si a pone mas bus riba e ruta aki, pa asina duna mas servicio na esunnan cu tin mester di transporte, pa di e manera aki baha e cantidad di taxinan pirata cu ta kibran- do ley.

**MAS STOEL DISPONIBEL**

E ta sigui splica cu Arubus a haci full un investigacion. Esaki ta keda den man di autoridad, entre otro polis y tambe departamento di transporte publico, segun Croes. Locual cu Arubus ta purba di haci ta pone mas stoel disponibel

riba e ruta pa purba di contraresta esaki. E taxinan pirata ta core riba oranan iregular, manera cu a wordo menciona prome. Nan ta haci con cu nan kier y nan ta cobra mas barata cu e busnan mes. Esey ta algo cu Arubus mes no por frena.

**FALTA DI CIRCULACION**

E problema tabata e falta di circulacion cu transporte publico. Esey ta e kehonan cu a wordo tendi for di publico. Segun Theo Croes, a pone esaki straight dor di pone mas stoel disponibel pa loke ta e distrito di Noord.

**UN PLAGA**

E tema di taxinan pirata no ta

desconoci. Ya recientemente husticia a pone man riba varios, cu den un manera directo ta causa efecto riba transporte publico cu nos conoce. Sea cu nan ta core mas barata, riba oranan iregular, como tambe e cantidad di personanan cu nan ta transporta. Por corda den añanan anterior, esaki tabata un fenomeno cu practicamente tabata casi un plaga. Hopi di e taxinan aki, manera aguila tabata pasa na casi tur e hotelnan na Palm Beach, pa asina piki turista y hiba nan destino, riba un prijs basta abao, perhudicando asina e pan di cada dia di esunnan cu si tin un permiso valido pa por core. □

## Hortamento di auto a bira un tendencia internacional

**ORANJESTAD** – Hortamento di auto, manera cu ta wordo indica den prensa internacional, a bira un tendencia. Y hopi biaha e tendencia aki ta causa dañonan grandi nos comunidad, na nos turismo y mester buta un stop na esaki. Esaki segun minister di husticia, Sr. Arthur Dowers.

**AUMENTO DI CASTIGO**

Relaciona cu esaki, a aumenta castigo di hortamento di auto cu dos aña, esta di 6 pa 8 aña. Loke a mira ultimo añanan, y no na Aruba so, a constata cu na Hulanda, ta prome biaha den 10 aña, ladronia di auto y ladronia for di auto a aumenta na nos madre patria. Auto ta un producto cu ta hopi facil pa horta. E ta un producto di hopi balor. Hende ta haci nan mes util y ta prepara nan mes pa horta auto y for di auto etc. Esey ta buta cu nos mester aumenta e castigo. Aumento di castigo no a wordo prueba ningun caminda cu e ta baha of stroba hende cu ta comete crimen. Loke cu si sa cu esun cu a comete e crimen, e momento cu cera criminalnan pa un tempo largo, e mes no ta comete crimen atrobe.

**MESTER MANDA UN SEÑAL**

E gruponan di loke por a wordo mira te cu asina leu, cu a comete e crimen aki, despues di a haya castigonan cu ta wordo considera hopi den mundo penal di dos aña, mester ta mucho mas cu esey. Nan ta sali bek y ta sigui haci e mesun cos. Mester manda un señal pa e malhechornan aki y ta serio den esaki. Sa di

a lo menos 1 persona cu not a haci nada otro cu ta horta auto y e ta bisa tambe cu esey ta su ofishi. Mester manda un señal pa e persona aki tambe cu esey ta su bida e mester sinta un temporada mas largo y e lo tin mas tempo pa pensa pa busca un otro ofishi. Gobierno ta serio den e tema aki.

**LO PARTI POCO SLA**

Te asina leu un team special a wordo amplia pa loke ta gartamento di hendenan cu ta horta auto. Tambe gobierno lo bay evalua e acercamento y si ta bay aumenta mas hende den e team aki. Awor aki cu esaki, lo por bay pone poco sla den direccion di esunnan cu ta ocupa nan mes cu e tipo di criminalidad aki. Dowers a sigui splica cu e lo bay tene un reunion cu Ministerio Publico y polis pa asina cuadra tur cos cu otro y tambe si tur cos ta canando manera mester ta of si mester haci cambionan den e maneho.

**CASTIGO MINIMO**

For di un otro banda, lider di fraccion di MEP, Sra. Evelyn Wever-Croes a menciona cu den parlamento a aumenta e castigo maximo cu tin riba ladronia di auto. Sinembargo realidad ta cu aña pasa tin como 30 pa 40 persona cu a wordo deteni pa ladronia di auto cu nunca a yega prizon. Nan ta wordo laga lihe den libertad. Esunnan cu si yega prizon, ta masha poco, cu ta menos cu 5, ta sinta castigonan di 3 pa 4 luna. Y pa e temporada aki, hendenan tin tranquilidad cu e autonan den bario no ta wordo horta, pero despues di esey, e malhechornan aki ta bolbe sali. Aumen-

ta e castigo maximo, pesar cu e ta un intento noble, ta un señal cu ta duna cu como comunidad no kier esaki mas, no ta soluciona e problema. Pasobra cu tabata 6 aña, a bira 8, y si e bira 20 aña mes, ta depende di nos huesnan cu ta stipula ta cuanto luna of aña nan kier pone di castigo riba esaki. MEP ta di opinion cu aki un biaha mas ta un ehempel cu gobierno mester cuminsa pensa riba castigonan minimo. Un castigo minimo no kiermen cu ta haya menos castigo. Castigo minimo kiermen cu si hues constata cu ta culpabel na e acto, e ora no ta haya 2 of 3 luna. Si e castigo minimo ta un aña.

**E VICTIMA CU PROBLEMANAN SERIO**

Tin un averahe di 16 auto cu ta wordo horta y casi den tur caso e doño, si e haya su auto bek, e ta haya su auto tur pluma. E doño di auto ta haya su mes cu diferente problema. Pa cuminsa e no tin su auto pa e mobilisa pa su trabao, e no por hiba su yiunan scol. E tin cu sigui paga e debe cu e tin riba e auto, pesar cu e no tin e auto mas. Dificil pa e saca un otro auto, un cantidad di problema hopi serio, segun Wever-Croes.

**TEMPO PA REHABILITA**

Mescos e proposicion cu a haci den caso di abuso sexual di mucha tambe a bisa cu kier pa bin un castigo minimo pasobra no kier mira cu e abusado ta sali despues di 2 of 3 luna y ta comete e mesun actonan atrobe.

Kier pa nan ta cera mas largo. Den e caso ey a propone un

aña di castigo minimo, dos aña den caso cu tin actonan mas grave tuma luga, 3, 4 y 5 aña den caso cu tabata maltrato nan hopi severo, etc. Na momento cu tin un persona asina mas largo cera, por traha cun'e tambe pa rehabilita di berdad. Un hende cu bay cera pa 3 of 4 luna, no por yuda den e problema cu e tin. Si tene mas largo, por purba di traha riba su problema y purba di sikiera di soluciona e problema.

**PREOCUPACION DEN COMUNIDAD**

Comunidad a wordo sacudi cu un auto a wordo horta y a haya varios mensahe straño riba dje, pero sinembargo ta expresa loke ta pasa den comunidad. E preocupacion cu tur tin cu awor tin auto pero no sa si aki un rato e auto ta para eynan atrobe pa bay cas of pa sali bay trabao. Esey ta un preocupacion serio. Parlamento a haci su trabao atrobe. Aumenta castigo, sinembargo ainda nos ta falta un plan di e minister, un plan coherente con e ta bay ataca e problema aki. Ta spera cu gobierno sinta cabes, pone mas hende disponibel den e tipo di casonan aki y ataca e problema aki di cerca.

**AUMENTO RIBA OTRO DELITONAN**

No solamente e castigo di hortamento di auto a aumenta. E delito di cumpra cos horta tambe a aumenta di 6 pa 8 aña. Esey ta un aumento tambe drastico di castigo pa e tipo di ladronia aki cu tin como consecuencia cu ladronia den cas a wordo aumenta. □



## Confiansa consumidor mas abou na fin 2013

Cuadro c: Indicenan			
	Confiansa di Consumidor	Situacion Actual	Expectativanan
2012 I	96.2	95.6	99.0
2012 II	96.7	95.4	101.2
2012 III	96.8	95.5	100.6
2012 IV	97.7	98.5	100.3
2013 I	98.5	100.1	101.3
2013 II	96.9	97.7	99.1
2013 III	98.6	99.1	101.4
2013 IV	98.0	99.9	101.0

**ORANJESTAD** - E indice di confiansa di consumidor a baha cu 0,6 punto di indice te na 98,0 durante e di cuatro trimes ter di 2013. Den su totalidad aña 2013 a termina cu un indice mas abou cu e a habri cun'e.

Di otro banda, e indice ta 0,3 punto di indice mas halto cu e mesun periodo di e aña anterior. E indice di e situa cion actual a afecta e indice di confiansa di consumidor di un manera positivo, mientras cu e indice di expectativanan tabata tin un impacto nega tivo den e di cuatro trimes ter di 2013.

Percepcion di consumidor nan riba nan situacion finan ciero personal actual a me hora, dor cu 14,8 porciento di encuestadonan a indica cu nan situacion financiero per sonal actual a bira pio, com para cu 19,5 porciento den e di tres trimes ter di 2013. Por observa e mesun desar oyo pa cu e condicion eco nomico y di comercio actual unda cu 21,8 porciento di e contestanan a menciona un crecemento negativo den e di cuatro trimes ter versus 26,8 porciento den e di tres trimes ter y e posicion finan ciero actual di gobierno (28,5 porciento a indica ta un deter iora den di cuatro trimes ter versus 29,3 porciento den e di tres trimes ter). Consumi dornan a parce di ta mas riba un nivel neutral pa cu expec tativa pa futuro ya cu a indica cu nan situacion financiero personal, e condicionnan economico y di comercio y e posicion financiero di go bierno lo keda mescos den e futuro cercano.

Di otro banda, e pronostico di e consumidornan riba e mercado laboral actual tabata un poco mas pesimista den e di cuatro trimes ter compara cu e di tres trimes ter di 2013. Por ultimo, consumidornan a trece dilanti cu no tabata apro pia pa compra un auto (60,3 porciento), aparatonan grandi (47,8 porciento) of pa bay cu vakantie (39,5 por ciento).

Por obtene e presentacion completo di e resultadonan di e encuesta for di e website

di BCA (Banco Central Aruba).

Personanan cu lo desea di haya mas informacion por tuma contacto cu Sr. Jonathan Upegui, econo mista di e departamento di investigacion na num ber di telefon 5252215 of por manda un e-mail na: [j.uegui@cbaruba.org](mailto:j.uegui@cbaruba.org).



# CHEVROLET KING OF THE ROAD!

**N300 CARGO 2014**  
**21,600**

1.2 L engine, 5 speed manual transmission,  
Dual A/C front and rear, Radio C/D,  
Power steering, Front disc brakes,  
Electronic fuel injection and much more.

**STERN**


TANKI LEENDERT 122 | TEL: 582 3838  
[WWW.STERNGM.COM](http://WWW.STERNGM.COM) |

**FIND NEW ROADS**



*Un proyecto di 8 miyon florin*

## Prome fase di Centro Ortopedagogico nobo ta den su punto inicial



### Ultimo dia pa paga

E cuenta di awa di  
**december, 2013** mester ta  
paga riba **10 di februari, 2014**

Ta considera pago via banco of internet valido na momento  
cu registra e suma na WEB Aruba. E proceso aki ta tuma  
algun dia.

**Pa reconecta ta cobra un suma di Awg. 50,-**



Balashi 76, Aruba | T. 525 4200 | F. 585 2000  
E. info@webaruba.com | www.webaruba.com

**ORANJESTAD** – Ayera mainta a tuma luga acto di firmamento pa construccin di e prome fase di e centro ortopedagogico na Tarabana. Segun minister di husticia, sr. Arthur Dowers, e centro lo conoce un ampliacion pa asina duna guia na hobennan cu problema di actitud.

### INICIO NA UN PROYECTO IMPORTANTE

A duna inicio na un proyecto sumamente importante, no solamente pa esunnan cu ta traha den dje, no solamente pa e meta cu ta e hobennan, pero tambe pa henter e comunidad di Aruba, como kier cu ta un proyecto cu lo sigui duna contribucion na loke ta duna guia na mucha, hoben-

nan cu ta den e necesidad pa haya guia den un institucion asina, pero tambe ta duna un hisamento pa loke ta e calidad di e posibilidad cu tin pa brinda e servicio aki. Un di e motornan tras di e proyecto aki ta Sr. Edwin Abath. Minister Dowers ta sumamente satisfecho cu e proyecto aki. E prome construccin ta planea pa tuma luga na Pos Chikito, Sabana Basora. Despues di esey a bin e facilidad temporal na Tarabana. Despues di esey a bin un plan pa construi na Noord. Ora cu a asumi e responsabilidad den gobierno, a mira e proyecto na Noord, cu ta di un magnitud asina grandi cu no tabata por a wordo implementa.

### UN PROYECTO DEN

### FASE

Pesar cu e condicionnan tabata dificil, e empleadonan a traha, a scoge e luga correcto pa duna tur e atencion y e amor cu mester wordo duna na e grupo di meta aki. Minister Dowers a gradici e empleadonan pa e contribucion cu nan a duna bao di condicionnan de bes en cuando bastante dificil. Na hopi ocasion a combersa y na hopi ocasion tabata tin discusion riba ki dia mira loke lo bay tuma luga y awor aki tur tabata testigo cu ta asina leu. Ta premira cu e proyecto aki lo keda cla den 10 luna, segun e Minister.

Continua riba Pagina 12



# Cordia

Si bo no hanja e Auto di bo sonjo Awe nochi...

...No worry, Garage Cordia tin tur  
variedad di Auto pa bo scohe e mihor!

## Super Saturday Sale DIASABRA AWO 8 di Feb, 2014

Super special deals riba Certified Pre-owned Cars,  
Autonan Nobo & JMC truck

BYD F0  
Starting at Afl.22.700



Toyota Prius C  
Starting at Afl.52.775



Toyota Corolla XLi - 2007  
Afl. 14.000



Toyota Yaris Sedan - 2012  
Afl. 26.000



Toyota Yaris HB - 2010  
Afl. 25.000



Toyota Rav4 - 2006  
Afl. 25.000



Mazda 6 - 2004  
Afl. 12.000

**JMC Trucks starting at Afl 27.500**

Kids Corner available.  
Nos ta habri for di  
9 am - 2 pm.

**Arubabank**  
understands

Lo ta presente pa Informacion y aplicacion pa financiamento

# Cordia

528-4455  
[www.cordiaaruba.com](http://www.cordiaaruba.com)

Like nos Page



[www.facebook.com/CordiaAruba](http://www.facebook.com/CordiaAruba)



## Departamento Di Cultura Aruba tabata di bishita na Museo Historico Arubano



**ORANJESTAD-** Director, Staf y empleadonan di Departamento di Cultura Aruba (DCA) a haya un recorrido den Museo Historico Arubano riba diabierna mainta siman pasa bou guia di Srta. Zahira Zaandam, lider di e proyecto Expo 1880 y encargada cu e maneho diario di e museo. Meta di Museo Historico Arubano ta pa ta mas cerca di e publico tanto internacional y local, grandi y principalmente nos hobennan.

E expo cu yama 'EXPO1880' ta trata di un investigacion cu hobennan a haci relaciona cu e historia di nan famia, cual a duna resultadonan hopi

interesante y alabes a duna e hobennan e gana di sa mas di nan historia y esun di Aruba. Hobennan participante a wordo nombra como 'agente special' y a bay den busca di nan propio herencia di famia saliendofor di un obheto of custumber di mas antiguo den nan famia mes. Asina nan haya hopi informacion di herencia material y inmaterial. A traha tambe un boletin cu yama 'Expo1880 Noticia' cu informacion tocante e importancia di conoce bo herencia. Kico ta herencia inmaterial y material, y nos tradicionnan. Pakico EXPO1880? Expo ta para pa e palabra expo of exposicion cu ta un presenta-

cion cu museo ta haci pa su publico cu ta bishita. Aña 1880 oficialmente ta menciona como e aña cu Dande a keda introduci. Un proyecto cu a dura 4 luna largo y lo bay keda exhibi durante un aña largo pa publico, tanto pa nos bishitantenan internacional y local cu un grupo meta riba e hobennan. Cada 4 luna lo haci variacion y adaptacion den e exposicion. E exposicion lo ta keda habri den oranan di oficina y riba dos diasabra pa luna cu lo keda anuncia. Entrada lo ta Awg. 5,-- pa adulto y Awg. 3,-- pa mucha. Tur empleadonan di DCA a keda contento cu informa-



cion ricibi y tabata un mainta hopi informativo y un Expo basta moderno cu a aporta na e educacion di herencia cultural. Esaki ta parti di e

palabracion cu DCA y Fundacion Museo Historico Arubano a haci y cu lo traha mas estrecho hunto den futuro riba e tereno aki. □

## Aruba Caiso & Soca Monarch bon promovi na Sint Maarten



**ORANJESTAD-** Siman pasa un delegacion di Musica a biaha pa Sint Maarten hunto cu Insel Air pa asina promove e Aruba Caiso & Soca Monarch 2014. E promocion tabata con-

sisti di un conferencia di prensa na Divi Little Bay Hotel y un tour na diferente emisora radial tanto na e banda Hulandes como e banda Frances di e isla.

E conferencia di prensa tabata bon atendi pa diferente miembronan di prensa di e dos corantnan di e isla, website di noticia y canal di television di banda Frances.

Durante e conferencia di prensa a splica cu mirando cu mayoria vuelo for di Sint Maarten pa Aruba ta yen durante e ultimo fin di siman di Carnaval e evento aki ta un oportunidad ideal pa celebra



cu Aruba su Carnaval 60. E agencianan di biahe ta e puntonan di benta pa por cumpra pakete cu ta inclui biahe cu Insel Air y estadia.

Entradanan pa e festival ta obtenibel na tur 195 rebendeadonan di Lotto pa solamente 20 florin pa cada anochi di pre final y 40 florin pa e anochi final. □



*Habri aña cu un auto nobo*

# Cumpra bo auto na Garage Centraal cu Aruba Bank y probecha di un interes special

**ORANJESTAD** - Aña 2014 a habri y ki miho manera pa cuminsa aña, disfrutando di un auto nobo. Aruba Bank hunto cu Garage Centraal lo tin un oferta atractivo riba diferente modelo di auto. Diahuebs awor, 6 di februari 2014, Aruba Bank hunto cu Garage Centraal, den un ora hopi flexibel lo tuma luga 'Garage Centraal Autonights', unda cu e clientenan por bin for di 6:00 di atardi te 9:00 di anochi pa cumpra nan auto nobo. Doc-

umentonan ta consisti di un identificacion valido, 2 recibo di salario recien y un carta di referencia di bo trabou. Bin prepara e documentonan necesario y scoge bo auto. Aruba Bank lo tin un oferta special di interes reduci riba e dia aki y tambe ta duna e opcion di cumpra awo y cuminsa paga te na luna di mei 2014. Pues si bo tabata duda pa cumpra bo auto nobo awo, probecha di e oferta special aki di Aruba Bank! □



**AWENOCHI ENTRE 6:00PM CU 9:00PM**

# AUTOBAHN BY NIGHT

**SHOPPING NIGHT NA GTi ARUBA**



**Das Auto.**

**GTi Aruba**

Sabana Berde 16D (dilanti Garage Centraal Aruba) | Tel: 583 0326 | [gtiaruba.com](http://gtiaruba.com) | [facebook.com/GTiAruba](https://facebook.com/GTiAruba)



## Lillyputters lo eligi su Reina y su Prins y Pancho dia 9 di februari

**ORANJESTAD-** Tanta Lilly hunto cu 5 princesa como tambe Prins y Pancho nan pa prome biaha, ta invita tur nan amiguito y amiguitanan hunto cu nan famia, pa bin presencia un bunita eleccion diadomingo 9 Februari 2014 na Renaissance Convention Center pa 4.00pm.

### Eleccion di Reina:

1. Ixienne Ras
2. DaenahBeke
3. Avah Muyale
4. Evah Ras
5. Gabriella Bremer

### Eleccion di Prins cu Pancho pa prome biaha lo tin

### 5 pareha:

1. Ashton Catalina & Daniel Kasofsky
2. Born de Nobrega & Qion Kock
3. Kyle Sean de Cuba & Roel Tromp
4. Yeshua Maduro & Kyler Kelly
5. Carl Anthony

Petrochi & Maximus Eman

### Reina Lillyputters 2013:

• Kaylee-Anne Dirksz  
Pueblo di Aruba ta keda cordialmente invita pa bin presencia e eleccion aki y asina duna nan apoyo na nos mini reinanan. □





## Brouwerij Nacional Balashi a tuma e decision sabi pa “go green”



**ORANJESTAD** - E planta di e cerbes preferi na Aruba, esta Brouwerij Nacional Balashi ta den proceso di cambio y ta invertiendo den renobacion y ampliacion di e planta. Ta den cuadro di e vision aki, a dicidi pa tene mas cuenta cu medio ambiente. Brouwerij

Nacional Balashi a tuma e decision importante pa “go green”. Kico esaki ta encera? E compania a duna un stap hopi importante pa medio di e instalacion di Solar Panels riba nan dak. E instalacion a tuma luga siman pasa caminda varios experto a subi dak y

a cuminsa haci e cambio aki. Tin varios otro caminda cu Brouwerij Nacional Balashi a opta pa haci “green”, pero esun aki ta un di esunnan mas grandi te na e momento aki. Ademá di esaki, e planta mes ta den henter proceso di cambio ya cu a dicidi di traha

un planta full nobo y hopi mas amplio. Banda di esaki nan ta trahando riba un renobacion di e tur e mashinnan, como tambe nan ramp. E proceso di emboteyamento tambe ta bay bira uno totalmente nobo. Brouwerij Nacional Balashi ta hopi orguy-

oso di por ta parti di e cambio aki pa yega na un compania mas moderno y renoba pero teniendo cuenta cu nos medio ambiente. Den e proximo simannan lo suministra mas informacion tocante e proceso di renobacion di nos planta nacional. □

Congratulations  
to our recent winner!

Avg. \$75.871,20

Progressive  
Jackpot Starts at  
Avg. \$10.044,90

BONUS

B I N G O

THURSDAY!

Super 4-Card BINGO starting at 1pm!

\$6 for 4-Card BINGO • 8 Games to Play

\$1,000 in Cash Prizes!

Additional \$500 Cash Prize in our Monthly Early Bird Drawing  
when you purchase your card prior to 12 noon!

Where Aruba goes to play!

Open daily 10am to 4am • J.E. Irausquin Blvd #47 • 583.5000 • [www.casinoalhambra.com](http://www.casinoalhambra.com)

Must be an Alhambra Advantage member. All programs and promotions are subject to change or cancellation without prior notice.

Alhambra

CASINO AND SHOPS



## Investigacion medico mester determina si homber ta culpabel di a haci actonan sexual cu menor di edad

**ORANJESTAD** - Mañan mainta lo tin dos caso di inmoralidad y abuso sexual di menor di edad cu lo wordo trata den sala di corte di husticia. Un di e casonan, e sospechoso ta e homber L. (61) di Ukraina biba na Aruba. E ta wordo sospecha di a haci actonan sexual cu un muhe menor di edad. E sospechoso a presenta aña pasa dilanti hues pero e caso a wordo posponi. E caso a bin dilanti pro forma pasobra e proces-verbaal oficial no tabata cla.

Tanten cu no tin un proces-verbaal, Hues no por trata un caso pasobra tur e informacionnan importante di e investigacion ta den e proces-verbaal.

### INVESTIGACION MEDICO

Un di e puntonan importante den e caso aki ta e hecho cu abogado di e sospechoso a pidi un investigacion medico relaciona cu posibel problema cu e sospechoso lo tin. Fiscal a bisa hues cu abogado a pidi un investigacion

medico pa determina si e sospechoso lo tin problema pa tene relacion sexual, pero e no a ricibi e carta aki. Hues a mostra cu tin un procedura cu mester sigui caminda mester nomber especialista pa haci e investigacion. Ta asina cu a manda pidi dos especialista y si tur cos a cana manera tin planea, e rapport lo mester a keda cla na tempo pa asina mañan mainta e tratamiento di e caso por tuma luga. Hues a dicidi di pospone e caso pa mañan mainta. Ul-

timo tempo den corte mas y mas casonan di inmoralidad y abuso di menor di edad ta wordo trata. Aña pasa e fiscal cu aparentemente ta encarga cu e casonan di inmoralidad a informa hues cu tin 50 caso. Esaki ta un cifra alarmante. Si evalua cu den un aña tin 12 luna y si dividi e 50 caso den 12 luna ta yega na un averahe di mas o menos 4 caso di inmoralidad pa luna. Si dividi di 4 casonan den un luna esey ta duna un averahe di 1 caso pa siman. Cu e evaluacion aki

por conclui cu e casonan ta alarmante. Esey ta di aña pasa te na momento cu e fiscal a presenta esaki den corte. No ta conoci cuanto caso mas a bin acerca entre aña pasa te cu awor. E chens ta grandi cu e cantidad di casonan a aumentá, principalmente si tene na cuenta cu actualmente nos ta den temporada di carnaval caminda hopi ta abusa di alcohol y esey por conduci na mas abuso. BON DIA ARUBA lo informa lectornan di e caso aki.

## Homber cu a haci actonan immoral cu mucha mañan dilanti hues

**ORANJESTAD** - Un homber Venezolano biba na Aruba di inicial PZ., mañan mainta lo mester presenta dilanti hues pa e caso penal cu ministerio publico a cuminsa contra dje.

E acusacion contra PZ. ta cu e lo a haci actonan immoral y a penetra un mucha muhe menor di edad. Na november 2013 e caso tabata pro forma pasobra ainda e proces-ver-

baal no tabata cla. Den sala di corte a surgi un discusion entre e abogado di e sospechoso mr. Crouch y fiscal riba investigacion cu e abogado kier pa laga haci. E abogado a bisa hues cu el a haci peticion na Hues Comisario pa laga haci investigacion di psychiatrist. E abogado a bisa hues cu e ta bisa esaki pasobra Hues Comisario mes a ripara cu e sospechoso no tabata mucho

consciente. Abogado a bisa hues cu e kier sa si e sospechoso lo tabata tin problema mental na momento di e delito.

Fiscal a reclama e hecho cu abogado ta pidi rapport di psychiatrist siendo cu e sospechoso mes a admiti cu e mucha tabata sinta banda di dje den auto y cu na dado momento el a mishi cu e mucha.

Abogado a reacciona cu fiscal ta papia di cosnan cu riba papel ta masha nechi pero den practica ta otro procedura ta tuma luga. El a remarca cu cada biaha tin problema cu e fiscal aki. Hues a check e documentonan y berdad tin e peticion di e abogado. Sinembargo hues ta haya cu no tin suficiente motivacion pa pidi un rapport di psychiatrist. Esey a haci cu hues a re-

chasa e peticion di abogado. E caso a keda posponi pa dia 7 Februari 2014 esta diabierna awor caminda e sospechoso lo mester presenta den corte pa tratamento di e caso y tambe e victima.

Anterior e mama di e victima a presenta y e no tabata contento. Mañan BON DIA ARUBA lo cubri e caso y lo informa tur nos lectornan di tur loke a sosode den corte.

### Den cuadro di e proyecto di IPA

## Studiantenan lo organisa un Carrousel di Salud

**ORANJESTAD--** Como un proyecto di e ultimo aña na IPA, studiantenan Emlyn Thiel y Marie-Therese Croes ta organisando un Carrousel di Salud na Prinses Amalia Basisschool. Esaki lo tuma luga diasabra awor dia 8 di

februari for di 5'or di atardi pa 8'or di anochi. Na e atardi y anochi aki lo bay tin diferente actividad rond di e topico Biba Saludabel pa henter famia. Lo tin charlanan interactivo, entre otro Curpa Limp... Curpa Contento, Come

Saludabel y Dokter di Mucha. Tambe lo tin actividadnan di movecion, entre otro Fit-test, Mini-les Tang Soo Do, Mini les, Thrill Walkers y Obstacle course presenta pa Cross Fitt. Na banda di e actividadnan di movecion lo

tin varios clubnan di deporte presente cu informacion riba nan deporte, miembresia, entrenamiento y mucho mas. Por ultimo e famoso Bus di Salud di IBISA tambe lo t'ey unda mayornan por haci nan chequeo medico completamente

gratis. Studiantenan Emlyn Thiel y Marie-Therese Croes kier a invita un y tur pa bin pasa un rato agradabel hunto cu Prinses Amalia Basisschool y su alumnonan y alabes disfruta di e Carrousel di Salud.



Continuacion di Pagina 6

E formula cu a wordo scogi, caminda ta construi den fase, cu ta bay nifica cu e empleadonan lo bay traha bao di condicionnan cu un tiki mas presion. E hecho cu nan lo mira cada dia un parti di e

edificio cu mas lo ta di nan bayendo ariba, esey lo ta e motivacion, e consuelo pa traha bao di condicionnan cu nan lo bay traha.

### DIRECTORA NOBO

Manera cu BON DIA ARU-

BA a publica den su edicion di ayera, Dynia Abath-Muller no ta un persona desconoci den comunidad. E tabata directora di Imeldahof den pasado, pero den e ultimo 4 añanan el a muda bay Hulanda caminda, hunto cu su casa, Sr. Edwin Abath, a residencia, kende tabata minister plenipotenciario di Aruba. Sra. Abath-Muller ta sumamente honra di ta formando parti di e proyecto grandi aki cu ta e expansion di e Centro ortopedagogico cu ta algo sumamente di importancia, no solamente pa esunnan cu ta traha riba e tereno ey, pero tambe pa comunidad Arubano. Esaki ta un cuestion cu e sondeonan cu Abath-Muller ta haciendo desde cu el a cuminsa traha na januari, ta un manera cu e por haya

mas informacion encuanto di con e trabao ta cana awor aki y con por bay wak pa por mehora locual cu ta brinda na e muchanan cu ta wordo interna na e centro.

### UN PROYECTO DI 8 MIYON

E proyecto aki tin un costo di 8 milyon florin. Segun Sr. Kamsteeg, kende ta na encargo di e proyecto aki, hopi aña varios minister a participa na hopi sesion. Den e ultimo aña tabata tin hopi deliberacion y finalmente a yega na un proyecto cu por wordo ehecuta. Bohama Aruba, hunto cu CAS lo traha riba e proyecto aki. Tin tres paviljoen pa e muchanan. Dos paviljoen den un edificio cera, cu ta dos grupo di 8 y un di e grupo di 20 pa muchanan cu ta den un edificio un tiki

mas habri. E sistema ta asina flexibel pasobra nunca sa cuanto mucha muhe of cuanto mucha homber lo tin y cual momento nan ta cay den cua categoria. Nan por schuif den cierto sentido pa e gruponan pa uza e centro mas flexibel posibel. Manera cu a wordo menciona caba, e edificio lo wordo construi den fase. Na final e parti existente lo wordo basha abao pa asina lo bay den e parti nobo. Na momento cu tur cos ta cla, por muda di esun cu ta na Imeldahof. Den careda di september ta cla pa muda e prome parti y lo sigui cu e di dos fase, cual ta e ultimo parti. Ta supone di ta cla segun planeamento prome cu vacacion di Pasco na December. E centro ta cay bao di ministerio di Husticia.





## Mashin di verf haya patras di un negoshi den Koningstraat

**ORANJESTAD** - Diamars mainta algo pasa di 8'or polis a bay den Koningstraat pa motibo cu algun persona a mira dos choller ta hinca un mashin grandi den un bari di sushi. Na e sitio polisnan ta topa cu un mashin basta grandi di verf cu su slang na dje. E mashin tabata asina grandi cu a pidi un auto special pa transportacion pa hib'e warda di polis, pa asina haci mas investigacion. □



## Intento di ladronicia na Spaans Lagoen

**SPAANS LAGOEN** - Diamars 00.37, central ta manda patruxa na Spaans Lagoen pa un intento di kiebro. Na e sitio polis a papia cu e muhe M. kende ta bisa cu desconocinan a kibra e candal di e porta di cura pa dreña paden. Polis a tuma e keho y a pone central na haltura. □

## Ladronnan ta bay cu auto dilanti cas

**DAKOTA**—Diamars 06.30, e homber M a bay warda di polis pa duna keho di ladronicia y ta declara cu diadomingo 23.30, el a laga su auto na yabi riba acera dilanti su cas y dialuna 06.30, el a bay pafo pa bay traha, el a ripara cu su auto Hyundai Getz blanco A-723 no ta para na su luga. E ta bisa cu riba e windshield tin un sticker di un Rosario cu e nomber Mama Maria ariba. E glasnan patras tin un tint leve. Central a wordo poni na haltura. □

## Auto haya na Santana di Sabana Basora

**SABANA BASORA** - Diamars 07.27, central ta manda polisnan na haltura di e santana di Sabana Basora pa un auto cu a wordo laga atras. Na e sitio a resulta cu ta un Suzuki sx4 color shinishi V-2612. E auto tabata completo intacto y no tabata tin muestra di kiebro. Central lo tuma contacto cu e compania di huur pa controla si el a wordo horta. □

## Mashin di welder scondi den bari di sushi

**ORANJESTAD** - Diamars 07.50, algun choller a pone un mashin di welder den un baki di sushi. Polisnan a bay den Boliviastraat na e crusada como cu a dreña un informacion cu desconocinan a pone un mashin di welder den bari di sushi. Na e sitio polis ta topa cu un grupo di homber, na unda cu e informacion lo ta. Tambe Polis a mira e mashin di welder den e bari di sushi. Ta trata di un mashin di spuit. Polisnan a puntra e grupo di choller, kende a hinca e mashin den e bari di sushi, pero ningun no sa di nada. Polis a tuma number di e chollernan y a pone central na haltura. □

## Ladronnan a bay cu tur cos di den e negoshi

**ORANJESTAD** - Diamars 08.50, central ta manda polis den Kerkstraat pa un ladronicia. Na e sitio polis ta papia cu e homber di inicial L. kende ta bisa cu desconocinan a horta den su negoshi. Nan a bay cu tur cos for di e negoshi. Polis a tuma e keho y L. lo trece un lista di locual cu a wordo horta. □

## Ladronnan ta horta cos for di auto habri

**SAN NICOLAS** - Diamars 11.15, e homber di inicial G. ta duna keho di ladronicia haci na su auto Ford Eco color blauw scur A-57633. E ta bisa cu for di e auto nan a bay cu bancomatico di compa leon, cedula Arubiano, un Ipad di Rent and Dial. E auto no tabata na yabi. Esaki a tuma luga riba e luga di parkeer di Confessions na Palm Beach. □

## Pelea na EPB San Nicolas y polis ta detene un grupo grandi di alumno

**SAN NICOLAS** - Diamars mainta alrededor di 11'or y 35 patruxa di San Nicolas hunto cu K-9 y dos polis di barío a bay na EPB San Nicolas pa un pelea. na e sitio polis a papia cu e director, kende ta bisa cu tabata tin un pelea grandi y nan a logra kita e bringadonan for di otro y a pone nan den diferente local. Polis a papia cu e alumnonan riba e motibo di e pelea, pero ningun tabata sa e motibo. Polis a haya un tip cu e studiantenan probablemente tin arma. Polis a rista e bringadonan y a haya un tapa di yabi, lora den un mea preto den saco di carson di e mucha homber di inicial F.F.. Hunto cu otro alumno, F. a wordo hiba warda di San Nicolas. Eynan nan a wordo debidamente gescual y despues a yama nan mayornan bin busca nan. Ta trata di I.F. di 15 aña, R.D di 14 aña, SDK di 15 aña, CM di 15 aña, G.T di 17 aña, D.L di 16 aña, I.K. di 14 aña, I.F. di 15 aña, V.P. di 15 aña, D.R. di 15 aña y A.S. di 15 aña. Tur ta naci na Aruba. □

## Polis ta detene tres homber tirando yuwana

**BRASIL** - Diamars 13.42, central ta manda polis na haltura di misa di Brasil, na unda tin tres homber ta tira yuwana. Eynan polis a topa cu e homber nan y nan ta bisa cu nan ta jaag riba yuwana, cu piedra y stichi. Na e sitio e unidad di polis tambe a bin pa refuerso. Den e mondi, Polis a haya un windbucks y un T-shirt cu yuwana morto den dje, tambe polisnan a haya un machete y un baki cu bala. Relaciona cu esey, e tres homber nan a keda deteni pa posicion di arma 14.05. A hiba nan den dogcatcher. Tur cos a keda confisca. Un di sospechosonan a duna number falso y a haya un boet. El a wordo reconoci pa un polis. Ta trata di e homber nan A.H. di 27 aña, J.L. di 26 aña y F.I. di 15 aña. □



# Polis a bay cu basta auto sin documento



**ORANJESTAD** - Diamars mainta riba e caminda di Driemasterstraat y Rudolf Arendsstraat polisnan a tene un control di trafico unda cu a bay cu varios auto cu nan documento no tabata na ordo. Durante e control aki a haya un taxi pirata y su auto "daewoo Tico" cu a keda confisca, mas 3 auto cu tambe a wordo confisca na e momento ey pa polis. Asina ta tur automobilista, tene cuenta cu si bo ta core auto riba caya y bo documentonan no ta na ordo, conta cu esaki lo bay warda! □



**Total Services** ta un compania lider den Servicio y Producto pa mantencion di propiedad commercial y priva na Aruba y den region, conoci pa su esfuerzo continuo pa pone e cliente na prome lugar y pa su diversidad di Servicio y Productonan

**Total Services / TRC Clean Fix**  
Ta busca un persona pa e posicion di  
**2 PLUMBER**

Rekisitonan :

- Diploma E.P.B. o equivalente
- Minimo 2 aña di Experiencia den TUR area di plumbing
- Mester tin Rijbewijs B y D si tin C ta un plus
- Por papia y scibi den Idiomanan Papiamentu, Hulandes, Ingles y Spaño
- Mester por comunica excelente verbalmente y por escrito
- Mester ta un persona cu ta flexible, por traha su so den equipo, bon organiza, motiva, creativo, cu iniciativa propio y cu hopi energia
- Por traha orario nan irregular



## Grupo di hoben ta maltrata homber

**MADIKI** - Diamars 6'or y 38 di atardi, central a haya un informacion cu un gang ta maltratando un homber cu un bate di baseball na un cas den Madiki Kavel na altura di oficina di Dr. Croes. Relaciona cu esey, polis ta bay na e cas y ta papia cu e homber di inicial P. naci na Aruba di 31 aña, kende ta bisa cu e ta bayendo cas ora cu un grupo di mucha homber a atake y a dal e cu mokete y a pone cay. Despues e hobennan a cuminsa scop e. P. no tabata coopera cu polis y tabata bou di influencia di alcohol. El a bisa cu e no conoce e muchanan y no kier duna keho. Polis a mira cu e tabata tin un kap na su frenta y den su boca tabata tin sanger. E no tabata kier asistencia medico tampoco. Polis a pone central na altura. □

Manda bo CV & Passfoto via email na [hraua@total-services.net](mailto:hraua@total-services.net) of pasa entrege na nos oficina principal na Barcadera #5f.

TEL:585-3444 [WWW.TOTAL-SERVICES.NET](http://WWW.TOTAL-SERVICES.NET) LIKE US FACEBOOK PAGE- TOTAL SERVICES ARUBA



# Hobencita a bay dal riba auto y keda herida



ORANJESTAD - Diamars atardi riba Nijhoffstraat a sosode un accidente unda un hobencita riba bais a bay dal riba un jeep shinishi den banda di pasahero. E impacto tabata fuerte y e hobencita a haya sla na su curpa y despues el a bay su cas na Esso Heights, unda cu ambulance y polis a presenta na e cas pa controla e hobencita aki. □



## Polisnan cu control den trafico

SAN NICOLAS - Diamars entre 10.00 y 11.00 di mainta, a tene un control regular di trafico pa medio di dos patruya na e rotonde di Pos Chikito. En total a controla 19 auto, di cual 11 a haya boet. □

## Ladron ta drenta den cas di vakantie cu hende paden drumi

WESTPUNT - Diamars 21.33, central ta manda polis na un cas na Westpunt pa un situacion sospechoso. Na e sitio polis a papia cu e muhe di inicial R.L.E., kende ta bisa cu e tabata su so den camber, drumi riba cama, ora cu el a tende algo y a mira un homber desconoci sali for di su baño. E homber no a bisa nada y a core sali for di e camber. Un rato despues e yiu muhe di E. a bin cas y a puntr'e, kico a caba di pasa. Polisnan a mira cu e portanan patras tabata kibra y e bentana di baño. Nan no a perde nada. Personal di departamento di Ladronia a bin na e sitio y a tuma e keho di intento di ladronia. E cas ta un cas di vakantie. □

## Ladron ta bay cu radio y box di cable for di auto

SHABA - Diamars alrededor di 8'or di anochi, e homber di inicial T. a bay warda di Shaba y a duna keho di ladronia. E ta bisa cu dia 4 di februari mas o menos 17.00, el a para su auto Toyota Corolla A -13216 dilanti Shiribana. E auto tabata tin un bentana chikito banda robes kibra for di un ladronia prome. Un rato despues el a mira cu un radio di auto cu ainda ta den su caha, y un Cable Box di Setar a wordo horta. T. ta sospecha cu ta Ronald de Mey a comete e ladronia. Polis a tuma e keho. □



## EARN & REDEEM Something Sweet!

**FEBRUARY 6 & 7 • 12:01PM  
REDEEM 7PM - 11PM  
AT THE TROP ADVANTAGE® BOOTH**

Trop Advantage Members, **SCORE 250 POINTS** playing your favorite slots or table games, and you'll earn sweet Valentine's Day jewelry. Give it to that special someone or keep it for yourself - either way, don't miss your chance to get a little extra love this year! **WHILE SUPPLIES LAST.**

You have to be a member of Trop Advantage Club to participate. Gifts available while supplies last and no rain checks or substitutions.  
\*Points earned do not carry over.

Must be a Trop Advantage Club® member. Guests can redeem a maximum of 2 items. Management reserves the right to change or cancel promotions at their discretion. Must be 18 years of age or older. Must be a member of the Trop Advantage Club to participate. Play responsibly [www.gamblersanonymous.org](http://www.gamblersanonymous.org).



**TROP**  
CLUB & CASINO

J.E. IRAUSQUIN BLVD. 248  
Aruba, Dutch Caribbean  
[troparuba.com](http://troparuba.com)

TROPICANA ENTERTAINMENT CASINOS | [TROPICANACASINOS.COM](http://TROPICANACASINOS.COM)





*Segun partido MEP:*

## Parlamento ta trata e caso di Westin Hotel den reunion publico

**ORANJESTAD** - Parlamento di Aruba a trata porfin e caso di Westin Hotel den un reunion publico. Fraccion di MEP a pidi e reunion aki ya desde 8 di januari. Sinembargo presidente di parlamento no a permiti pa e reunion ey bay publico. Porfin e reunion publico ta bay tuma luga awor cu partido AVP tambe a pidi pa e reunion tuma luga. E intencion di partido MEP ta pa trece un claridad den e asunto aki. No por ta asina cu minister di labor Paul Croes, ta sigura parlamento cu ningun hende ta perde trabou, mientras

cu tur dia mama y tatanan di famia ta wordo presiona, casi abusa di dje, pa firma pa nan pakete y perde trabou. Ta ki clase di gobierno ta permiti e tipo di esclavitud y opresion aki tuma luga den siglo 21? MEP lo presenta un mocion pa salvaguardia interesnan di e empleadonan di e hotel, y pa trece tranquilidad riba mercado laboral. Parlamentarionan di AVP a remarca algo peculiar, esta cu nan no kier pa “politica” wordo haci cu e tema aki den parlamento. Ta kico nan kiermen cu “haci politica”? Acaso nan kiermen cu ora nan insulta lider



di MEP cu papa, tanchi esey ta “haci politica”? Si ta asina e ta den nan man pa stop cu esaki. Acaso nan kiermen cu ora nan chercha di peso di Xiomara Ruiz-Maduro esaki ta “haci politica”? Si ta asina,

e ta den nan man tambe. Acaso nan kiermen cu insulta lider di MEP pa ladron, gañado y sinberguensa ta “haci politica”? Anto esaki tambe ta den nan man pasobra ta nan semper ta haci

tur esaki. Sinembargo, pa-piando di haci politica, nos no por lubida e bolo berde gigantesco cu e hotel a laga traha pa Mike Eman dia di su cumpleaños, skirbi “Mike we love you”. □

*Segun minister dr. Schwengle durante di su bishita na IMSAN:*

## Invertiendo den IMSAN lo facilita e temporada dificil di renobacion di nos hospital

**ORANJESTAD** -- IMSAN sigur lo ta un tremendo partner pa hospital, specialmente dor cu hospital lo bay drenta den un periodo di renobacion. Minister di Salud Publico, dr. Alex Schwengle a haci su bishita na IMSAN y a wordo ricibi pa e director di IMSAN dr. Joel Raynherc, cu tin un bon relacion cu e diferente partnernan den salubridad di Aruba. Durante di su bishita e mandatario a haya un miho bista y conocimiento di e funcionamiento y e plannan pa pone IMSAN funciona mas optimal. “Mi ta basta na haltura di tur loke ta encera IMSAN y mi ta hopi contento cu tin un bon relacion entre e diferente partnernan. Den pasado ya mi a yega di bin y e director actual a mostra mi parti di e facilidad y capacidad potencial cu e luga aki tin. Mi mester bisa cu nan tin un sistema, cu dentro di poco por cuminsa cu un “sterilisatie circuit”, di cuminsamento te fin y na un nivel hopi bon. Tin posibilidad pa crea sala di operacion, specialmente mirando e ambicion di IMSAN, cu kier cuminsa cu un oog-keelkunde



centrum, unda cu e pashent por bin mainta trempa, haci operacion di wowo y despues por bay cas. Claro cu esaki ta exige cierto empeño financiero tambe”, e mandatario a duna di conoce. Mas cu claro ta bale la pena pa sinta cu partnernan di IMSAN hunto cu hospital, pa wak con por regla cierto cuidu cu por wordo haci na IMSAN, ya cu e facilidadnan t’ey caba. Hospital lo bay drenta den un temporada bastante dificil di renobacion y si inverti un tiki den IMSAN, esaki lo complementa y facilita e renobacion di hospital. “Nan no mester wak otro como rival, pero mas

bien como partnernan cu ta complementa otro. Den aspecto financiero IMSAN ta un bon opcion pa bienestar di nos pais y tambe por traha riba e servicionan pa bay dilanti. Tin hopi cos cu falta atencion y un di nan sigur ta e “Eerste Hulp” cu tin mas un funcion di “Urgent Care Center”, pero nos kier bay traha y pusha pa den un corto tempo, haci’e mas un nivel di un berdadero “Eerste Hulp”. Pariba di brug tambe merece esaki y esey ta netamente mi motivacion”, e dignatario a subraya. Joel Raynherc, como director IMSAN na Centro Medico San Nicolas, tambe a keda hopi contento cu e bishita di e minister. “Nos a mustre e edificio, kico tur ta wordo hospitalisa den nos edificio, kico ta nos facilidad di “spoedeisende hulp”, centro di dialisis, centro diabetico, especialista di wowo. Importante ta pa traha riba e finalisacion, ya cu tin hopi espacio cu no ta cla ainda pa wordo uza. Definitivamente falta inversion, a pesar cu e edificio manera



cu e ta awo tin un balor di 41 miyon florin. Nos falta pa completa e edificio cu e ekiponan necesario pa dun’e su destinacion final. Actualmente nos ta hopi ocupa pa haya financiamiento y esey ta bayendo den bon direccion. Nos tin banco particular cu ta cla pa yuda nos cu e fianza y nos ta purbando di logra di finalisa e proceso ey, cu e ayudo y sosten cu nos ta haya di minister dr. Schwengle.” Finalmente e mandatario a enfatisa, cu no ta necesario pa crea un hospital grandi cu 100 cama, ya cu esey no ta factibel y no tin sentido den

e situacion actual di Aruba. Pero si ta importante pa IMSAN haya e posibilidad di brinda e servicio di radioterapia, operacionnan chikito, un bon “eerste hulp”, un bon centro diabetico ya cu esun di dialisis t’ey caba. Haciendo un inversion den IMSAN, e lo complementa hospital hopi bon. Invertiendo den IMSAN kiermen tambe cu lo tin mas posibilidad di trabou pa San Nicolas y sigur lo bira un siguransa tambe pa e turistanan, unda cu nan por haya e atencion y cuidu debido”, minister dr. Schwengle a bisa. □





# Minister dr. Alex Schwengle a keda encanta cu e ambiente laboral y servicio na SVb San Nicolas



**ORANJESTAD** - E cartera di Minister dr. Schwengle como minister di salud publico, sigur ta existi un bishita informativo na diferente departamento cu ta cay directamente bou di su ministerio. Ya e mandatario a haci su bishita caba na SVb kantoor principal situa na Eagle y diabierna a toca turno pa haci bishita na SVb situa na San Nicolas. "SVb San Nicolas ta ubica den un edificio hopi adecuado y sano. Bo ta wak y sinti cu ta trata di un grupo di trahado masha uni, nan ta traha cu amor pa nan trabou. Esey ta algo cu no ta e directiva a bisa mi, pero e propio trahadonan mes. Nan ta hopi

contento cu nan trabou y nan ta produciendo un calidad hopi bon tambe. Claro semper tin espacio pa haci e miho y p'esey mes nan ta den proceso pa wak con por mehora nan servicio mas ainda", e mandatario a duna di conoce. SVb San Nicolas no ta un luho, pero un necesidad y e ta un servicio cu ta wordo bon uza. Mita di e control di e clientenan ta tuma luga na SVb San Nicolas y e ta keda un servicio cu sigur mester mantene pariba di brug. Clientenan di Sv b cu ta haci uzo di e filial na San Nicolas ta di Santa Cruz y Savaneta. "Awo mi falta solamente SVb situa na Vondellaan pa bishita y e

ora mi a completa mi recorrido informativo na e instituto importante y esencial den nos comunidad, cu sigur ta uno di suma importancia pa mi ministerio", e dignatario a termina bisando. □



*Segun cabesante di Middag & Avond MAVO San Nicolas:*

## Nos tambe mester por ta parti di e sistema di enseñansa:

**ORANJESTAD** - Minister Michelle Hooyboer Winklaar, durante su agenda di bishita na tur e scolnan na Aruba a tuma e tempo di haci

un bishita na middag / avond MAVO na San Nicolas cu ta situa den cura di Abraham de Veer School. E mandatario a haya un recorrido den e klas-

nan y a combersa un tiki cu e maestronan plus e studiantenan. E puntonan mas importante cu mester atencion rapidamente ta material y un miho localidad na momento di pasa examen. E problema ta sinta cu esaki ta tuma luga na e mes un momento cu middag MAVO y esaki ta trece cun'e cu no tin suficiente espacio na Abraham de Veer School. Material e mandatario ta consciente cu mester na practicamente tur scol y actualmente ta haciendo inventarisacion di kico tin y kico falta. Actualmente tin mas cu 600 estudiante entre middag/avond MAVO San Nicolas y Oranjestad. □





*Segun prome minister, Mike Eman:*

## Aruba ta riba bon caminda pa bira prome pais cu “Pre Clearance Europeo” na mundo

**ORANJESTAD** - Riba diamars prome minister Mike Eman a tene un reunion di suma importancia. E prome mandatario a sinta cu partidonan envolvi den e desaroyo y ehecucion di e proyecto pa Aruba bira e prome pais na mundo cu ta obtene un ‘Pre Clearance Europeo’. Cu satisfaccion grandi gobierno di Aruba por duna di conoce cu esaki ta bayendo den un forma excelente y sigui asina, pa final di e aña aki por conoce materialisacion na nos aeropuerto internacional Reina Beatrix. E reunion den sala di conseho di minister di edificio di gobierno a conta cu presencia di Marten Dijkstra y Guus Vlaming di Schiphol Group, Manuel van ‘t Lijf di KLM, Kierco Gerritsen di ministerio Hulandes di husticia y di parti di Aruba cu representantenan di Aruba Airport Authority y gobierno di Aruba. Na inicio di e reunion Premier Eman a gradici nan pa nan presencia, pero principalmente pa tur e trabou cu ta wordo haci den nomber di e meta comun. Tambe a comenta cu



e proceso similar cu Aruba ta hibando cu Merca pa expande su “Pre Clearance” na e terminal di avionnan priva, tambe ta bayendo den bon direccion. Representante di gobierno di Aruba na Union Europeo, Mr. Drs. Cedrick Tilma a duna di conoce cu e iniciativa ta muestra e forza cu

Aruba cu nos ta forma parti di Reino y di Europa tambe. “Ta hopi mas facil pa implementa e iniciativa aki na Aruba pa medio di e bon cooperacion cu nos tin cu Den Haag, nos a logra pone tur hende riba un liña pa logra algo grandi asina”. Mr. Drs. Tilma a splica cu na conferencianan inter-

nacional ta siguiendo di cerca kico ta pasando na Aruba pasobra otro gobiernonan a yega di purba pa haya “Pre Clearance Europeo”, pero no por logra paso no ta facil. Aki ta papia no solamente di e “Pre Clearance” caminda inspeccion y procesamiento di inmigracion y aduana ta tuma luga

na Aruba caba, pero tambe e introduccion di e asina yama “Happy Flow”. Aki pasaheronan rumbo pa Europa solamente mester pone nan paspoort pa scan esaki y un sistema computarisa ta encarga di tur cos. Esaki ta ofrece e pasahero no solamente un experiencia mas placentero, pero tambe hopi mas sigur. “Aruba ta e unico aeropuerto na mundo caminda por drenta Merca y Europa. Anto eyan bo ta wak e forza y importancia cu Aruba tin den e proyecto aki”, Mr. Drs. Tilma a splica. Ehecucionan participante na e conferencia di “Europe Meets the America” na luna di mei aña pasa a haya oportunidad di haya un demostracion di e “Happy Flow”. E “Roadmap to Pre Clearance Aruba” manera cu e proyecto ta conoci na Union Europeo, ta forma parti di e vision di gabinete Mike Eman I y II pa pone nos isla como un hub entre Latino America y Europa for di cual un sin fin di oportunidad economico ta habri incluyendo inversion, conocimiento y naturalmente turismo. □

## Prome minister Mike Eman a duna discurso na inicio Horizon 2020



**ORANJESTAD** - Un tayer cu enfoca riba oportunidadnan pa duna contenido na e relacion renoba entre Aruba y Union Europeo. “Cu nos por comparti un programa manera Horizon 2020 cu tanto interesado presente ta muestra di con solido e base ta cu nos a crea pa un cooperacion nobo den Reino y tambe pa Union Europeo”, prome minister Mike Eman a enfatisa na inicio di e tayer Horizon 2020 cu a tuma luga na Dr. Edward Cheung Center for Innovation ayera merdia. Prome di januari 2013 a drenta na vigor un regimen nobo di LGO

cu ta regla e relacion entre Union Europeo y paisnan LGO. E LGO nobo aki ta duna paisnan manera Aruba e posibilidad di un miho cooperacion y relacion cu Union Europeo y na e mesun tempo

ta trece cun’e hopi beneficio pa Aruba, cu prome di 2014, no tabata posibel. Sr. Eman a splica durante su discurso cu, “nos a traha intensivamente, e ultimo añanan, pa por duna e relacion cu Union Europeo un contenido nobo. E regimen LGO anterior tabata ofrece masha tiki pa Aruba y tambe pa e otro partinan di Reino. Nos a traha duro, tanto riba nivel parlamentario y nivel ministerial pa haya gobierno Hulandes, pero tambe cu varios partnernan pa asina a yega na un forma nobo di cooperacion den Union Europeo”. Sr. Eman a referi aki na e regimen nobo di LGO cu a drenta na vigor e aña aki. Horizon 2020 ta un programa den cua Aruba por



participa, como resultado di e trabou duro cu a haci pa yega na e LGO nobo. E ta un programa cu enfoca riba investigacion y innovacion y ta duna oportunidad na investigado y cientificonan di Aruba pa colabora den proyectonan Europeo y rond di mundo. Mirando cu Aruba ta desaroyando un di tres pilar economico di conocimiento, e prome iniciativa aki di cooperacion riba nivel di conocimiento ta pas perfectamente cu e desaroyonan na Aruba. Pa Aruba por beneficia mas di e posibilidad strategico y unico di nos pais ta depende di e manera cu nos mes ta pone nos mes

den e tipo di programanan aki. Consecuentemente esaki ta crea un plataforma cu por duna Aruba e oportunidad pa desaroya su mes den un centro di experticio y excelencia. E ultimo aki tin un balor agrega increíblemente grandi pa e posicion di Aruba como un “Hub” entre continentenan Europa y Latino America.

“Basa riba e vision nobo, cu hunto cu partnernan den Reino a keda acorda, awo tin un relacion win-win entre nos regionnan, ta keda na nos awo pa duna contenido na esaki”. Sr. Eman a termina bisando. □





# TA BUSCA

## UN COOK, SPECIALISA DEN SEAFOOD.

**Cu experiencia.**

**Trece diploma, carta di recomendacion  
y papel di permiso si tin, edad entre 18 pa 35 aña.  
Aplica na El Gaucho Restaurant su oficina.**



*Segun minister Mike de Meza:*

## Proyecto di “Deep Sea Water Cooling” por yuda spaar placa y crea cuponan di trabao



**ORANJESTAD** - Diahuebs atardi a tuma luga e presentacion di resultadonan preliminar di un investigacion grandi tocante e beneficionan y posibilidad pa aplica un proyecto di “seawater cooling” pa Aruba, especificamente pa e area di hotelnan y hospital. E directornan di Polytechnisch Ingenieursbureau y Ecopower International, respectivamente Leon Hamers y Gilbert Gouverneur, a duna di conoce cu e investigacion ta basta leu y nan a comparti resultadonan, incluyendo con e sistema di tuberia mester wordo instala, esaki ta algo cu a wordo determina hunto cu nos companianan di utilidad, entre otro. E proyecto aki, esta Aruba Seawater Air-Conditioning, ta un colaboracion cu ta existi desde 2012 entre Capital Cooling, Ecopower International, Polytechnisch Ingenieursbureau, Deerns y Makai Ocean Engineering. Minister ing. Mike de Meza a expresa despues di e presentacion cu e proyecto aki ta algo cu por resulta interesante pa Aruba, pero semper mester tene na cuenta e impacto cu un proyecto asina por tin riba e companianan local di utilidad. “Nos tin cu wak esaki, nos tin cu discuti’e,” Minister De Meza a comenta, añadiendo “bo mester ta habri pa diferente concepto, bo no ta scoge un dia pa otro pa tuma un decision.” El a subraya cu gobierno no a tuma ningun deci-



sion riba esaki”.

E mandatario encarga cu e cartera di asunto economico, comunicacion, energia y medio ambiente a bisa cu e resultadonan preliminar ta muestra cu e aplicacion di e tecnologia aki lo ta den funcionamiento 24 ora pa dia/7 dia pa siman y lo scapa industria 35 pa 40% di nan costo di electricidad. Tambe, e proyecto aki lo provee un bahada den uzo di zeta pisa ekivalente na seis miyon di dollar. Un otro beneficio cu a capta atencion di e mandatario y esunnan cu a presencia e presentacion ta cu por spera entre 400 pa 600 cupo di trabao nobo den diferente industria pa acomoda e diferente tareanan cu ta involvi den e proyecto grandi aki. Minister De Meza a splica cu ta posibel pa aplica e tecnologia di seawater air-conditioning pa Aruba, pasobra tin un “stroming” submarino, o sea

un riu bao di awa unda cu e awa tin un temperatura di 4 pa 6 grado relativamente cerca. E “stroming” aki ta ubica mas of menos 800 meter di profundidad den un area 5 km pafu di Aruba su costa na e parti pabao/panort di Aruba. Pa medio di e sistema di tuberia ta trece e awa di lama friu tera, esaki ta pasa den un sistema di fria y e ta bay pa e hotelnan. Na e hotel, e tuberia ta pasa e awa di lama friu den un asina yama “heat exchanger” prome. E “heat exchanger” ta un unidad cu ta reemplaza e chiller tradicional y ta provee e capacidad di fria necesario pa e distribucion di awa friu den e sistemanan convencional di airco. E awa di lama no ta mescla cu e awa limpi durante di e proceso aki. E awa di lama ta wordo manda bek pa lama via di tubonan, pues no tin desperdicio di awa. E tecnologia aki por beneficia mas



industria, ademas di hotelnan y hospital, manera agricultura y “landscaping”, Minister De Meza a comenta. E ta un proyecto sumamente interesante y mester check su impacto riba medio ambiente, tanto den awa como riba tera, e costo nan y si e proyecto ta beneficioso tambe den e sentido financiero, e mandatario a expresa. Aruba tin un abundancia di solo y biento y esakinan ta wordo uza pa produci energia caba, pero tambe gobierno y otro instancianan ta buscando semper mas oportunidad pa expande den e area di uzo di energia alternativo, por ehempel uzando forsa di lama y diferencia den temperatura di lama, Minister De Meza a bisa. Minister De Meza a subraya cu e companianan di utilidad di Aruba, y particularmente WEB NV ta ocupa cu diferente proceso y proyecto y por nota di cinco

aña pa awo con e interes den y e uzo di energia alternativo ta haciendo un diferencia grandi. Hisando eficiencia y efectividad a haci posibel pa un rebaho di mas di 30% den e tarifa di awa y un rebaho di un poco mas cu 15% den e tarifa di coriente. WEB NV tin mas proyecto andando unda cu a cambia tecnologia y ta cambiando e fuente di energia, esta “heavy fuel oil”, pa gas natural LNG, cual ta mas barata y miho pa medio ambiente.

“Aruba ta bayendo den direccion di un economia cu no ta basa su mes mas riba tecnologia di energia fossiel”, minister De Meza a expresa añadiendo cu den e proximo dos añanan lo logra cubri 50% di e demanda pa energia cu fuentenan di energia alternativo, na caminda pa 2020, ora cu e cobertura di energia alternativo lo mester ta di 100%. □





# Ciudadano Hulandes ta haya reconocimiento como sobreviviente di Nagasaki

**Amsterdam, HULANDA** – Un ciudadano Hulandes, di 93 aña cu a sobrevivi e atake di bon atomico den e ciudad Hapones di Nagasaki ta haya reconocimiento. Esaki ta bin despues di casi 70 aña despues di e guerra. E estado ta otorga e mención aki un certificado di Hibakusha, segun e oficina di prensa Kyodo.

Na Hapones Hibakusha kierenen "víctima di e explosión". E certificado ta duna derecho riba atención medi-

co y ayudo social. E ciudadano Hulandes, segun Kyodo lo ta trata aki di Sr. Buchel, e tempo ey tabata un prizonero di guerra na Nagasaki. Despues di e invasión Hapones el a wordo tuma prizonero riba e isla Java, cu e tempo ey tabata forma parti di Hulanda. Na momento cu e bom a explota e tabata haciendo limpi den e centro di ciudad despues di e bombardeo Americano. Segun un organización Hapones cu ta sostene

Hibakusha den exterior, cerca di 150 Hulandes den e mesun campo di concentración a wordo exponi na e explosión. Algun di nan a haya un certificado. En total, solamente 11 prizonero di guerra a haya un reconocimiento di Hibakusha di parti di Nagasaki. Recientemente, Buchel a entrega un petición pa reconocimiento na e embajada Hapones na Hulanda, segun Kyodo. Nagasaki a wordo bombardia



dia 9 di augustus 1945 pa un bom atomico. Miles di habitante a muri di biaha y miles

di otro a keda sufri di e consecuencias di e explosión atomico aki. □

## E abogadonan ta delibera continuacion di e caso Zambezi



**Kralendijk, BONEIRO** – E apelación anticipa contra e decisión di hues pa no inclui e kehonan di corrupción administrativo den e caso Zambezi, ta tuma luga dia 7 di maart na Corsou. E caso Zambezi a mengua

hopi na cuminsamento di december, ora cu hues Irma Lips a dicidi di no inclui e acusacionnan di corrupción administrativo contra Ramoncito Booi y Porno Elhage den e caso penal. Segun Lips Ministerio Público (OM) a pasa limite di e ordo di Corte Comun den cuadro di e investigación judicial. Cu esaki Booi y Elhage a haya nan prome exitonan cu nan team di defensor di abogadonan Knoops. E tratamiento tocante e contenido di e caso penal ta dia 24 di maart na Boneiro.

**Hurisprudencia**  
Abogado Geert-Jan Knoops y su ekipo ta presente dia 7 di maart pa hiba e defensa. Despues di entrega di e petición, fiscal Henry Hambeukers a bisa cu a base di jurisprudencia ta posibel pa tene un apelación anticipa, prome cu un tratamiento di contenido tuma luga. Knoops ta bisa cu den su opinión un apelación anticipa asina no ta posibel huridicamente. "Mescos cu na Hulanda ley ta permiti un apelación di un sentencia anticipa solamente si e sosode pareu

cu e sentencia final. Esaki no ta e caso aworaki como cu no tin un sentencia final." Sentencia corecto OM ta haya cu no por desconecta e echonan pa cua awor ta persigui Booi y Elhage, esta fraude di hipoteca y labamento di placa, di corrupción. Defensa no ta di acuerdo cu esaki. Knoops: "Corte a pasa un sentencia huridicamente corecto como cu nan no a conecta e sospecho di e asina yama corrupción administrativo cu e dos echonan cu corte a permiti di persigui." □

### *Cu yudansa di Sociale Kans Traject (SKJ)*

## Studentenan cu kita for di scol na Saba ta haya oportunidad pa caba educacion MBO

**The Bottom, SABA** – Alumno cu a kita for di scol na Saba ta haya un oportunidad pa caba un educacion MBO 1 cu e Sociale Kans Traject (SKJ) di Saba Reach Foundation. Ultimo cuater luna estudiante a prepara via un trayecto preliminar, cu a desaroya hunto cu e fundacion rumen FORMA di Boneiro. Supervisor di Boneiro tambe a duna training na e docentenan di Saba.

### **Rutina di scol**

E trayecto preliminar a yuda e studentenan pa drenta bek den un rutina di scol. Ademas e focus tabata riba desaroyo di habilidad social. "Nos ta traha hunto cu FORMA pasobra e fundacion aki tin un programa fuerte cu ta reconoce na Ministerio di Educacion, Cultura y Ciencia Hulandes (OCW)", director La-Toya Charles di Saba Reach Foundation ta splica. Entretanto e alum-

nonan a cuminsa cu e educacion. SKI ta haya ayudo di Gwendolyn van Putten School na Sint Eustatius pa e transmision di alumno di enseñansa secundario pa MBO 1. Pasobra e scol di enseñansa secundario na Saba no a bay di acuerdo cu e trayecto, OCW a recomenda pa drenta un colaboración cu Gwendolyn van Putten School.

### **Modelo**

E programa ta consisti di cinco modelo: career and citizenship, Idioma Hulandes, Idioma Ingles, matematica y tayer. Cincuenta porshento di e programa ta consisti di stage caminda e studentenan ta core stage ocho ora pa dia diesocho siman largo. Algun estudiante ta core stage na un programa despues di scol, Openbare Werken, of cerca un compania como personal di seguridad. "E studentenan ta reacciona

bon riba e programa. E ta duna e studentenan bista riba e mercado laboral y con nan mester trata cu diferente responsabilidad", docente Vincent Stroom ta bisa. "E alumnonan ta bisa cu nan ke caba e trayecto y nan ta comprende cu ta un chens cu nan mester probecha di dje. Mi ta gusta yuda estudiante den e fase aki di nan vida."

### **MBO 2**

Charles ta bisa cu pa alumno cu a kita for di scol secundario prome cu nan caba, pero cu a haya un certificado si, e trayecto di MBO 1 ta un preparacion pa bay MBO 2. Cu un evaluacion fin di aña ta determina cua estudiante por sigui pa MBO 2, cu nan por sigui na Saba of den otro parti di reino. OCW ta financia e material pa scol, e salario di e docentenan y e beca mensual pa e studentenan. E beca ta nobo na Saba. Un estudiante por ricibi entre 150 te 188 dol-



lar pa luna, dependiente di e porcentahe cu nan ta presente den e lesnan. "Actualmente nos tin ocho estudiante cu a inscribi y cu ta bini e lesnan regularmente. E studentenan ta bisa cu nan ta mira un cambio den nan vida. E docentenan y SKI ta mira e mayoria di e studentenan crece hopi", segun Charles. Estudiante Alejandro Benders actualmente ta sigui e trayec-

to MBO 1, despues cu el a kita di scol secundario cu un certificado. Benders ta core stage como cuidado na un banco. E ta gusta traha den dia y bay scol anochi. "Awor mi ta comprende con importante un diploma ta pa bo haya un bon trabou. Mi ke sigui e lesnan cu of sin beca mensual", Benders ta conta. E ta bisa cu e por uza e beca mensual bon pa cubri su gastonan. □



# Comision Meijers ta caba cu ley di Bosman



**Den Haag, HULANDA** – Segun e comision independiente Meijers e ley di Bosman ta contra cinco tratado in-

Comision Meijers ta bisa cu nan ta consciente cu ta un parti relativamente chikito di Hulandes Antiano ta causa problema, pero e comision ta haya cu un proposicion pa un ley cu ta distingui directamente entre ciudadano Hulandes y Hulandes Antiano no ta cuadra cu Hulanda su debenan internacional.

Discriminacion di rasa E ley di iniciativa ke pone limitacion pa yiu di Corsou, Arubiano y habitante di Sint Maarten por establece libremente na Hulanda. Segun e comision e distincion entre Hulandes Antiano y Europeo ta distincion di rasa, loke ta bay contra e Tratado contra Discriminacion di Rasa.

“E areglo cu a propone pa establecimiento y sacamento di Hulandes Antiano ta contra obligacion di tratado y di

e ‘Unierecht’ primario”, asina tin para den e anotacion. Ademá si Hulanda acepta e proposicion aki lo e haya un posicion di excepcion den Union Europeo y na mundo: “Ningun otro miembro di Union Europeo, cu antes tabatin colonia pafo di Europa, no conoce un ley asina di particion di nan propio ciudadanonan.”

Hulandes blanco Na final e comision ta constata cu ‘no ta menta e efectonan pa Hulandes di otro

grupo di emigrante’. “Asina e areglo di para hende riba caya ta trece e riesgo real pa tur Hulandes colo scur cu polis por para nan. Ta con polis ta bay reconoce un grupo di Hulandes Antiano relativamente chikito cu no tin e ‘permit di establecimiento’ necesario riba caya of otro caminda? Ta acepta e riesgo aki pa centenar di mil Hulandes numa. Hulandes blanco nunca lo no sufri molester di esaki”, asina e comision ta conclui. □

## Maarten Schakel ta bira atraccion principal di Tumba Corsou 2014

**Willemstad, CORSO** – “Lo e no gana, pero su participacion ta historico si, un atraccion di berdad mes”. Esaki Filomena ‘Elia’ Isenia ta bisa di Maarten Schakel. E DJ Hulandes di Dolfijn FM, hunto cu e banda Weso di Hector Samson, ta participa na e festival di tumba 2014. Su tumba yama ‘Stoba di Tumba’, un composicion di ex Rey di Tumba Farley Lourens.

Isenia, cu a gana e festival na 1991y 2010, e aña aki ta participa pa di 22 biaha. E tambe ta canta cu Weso y mescos cu Maarten e ta ensaya tur anochi den Hofi Bill na Veeris.

“Su tumba ta bon, pero e mester profundisa mas. E por, mas nos mester ta honesto si”, Isenia ta bisa. “E mester drenta mas den nos cultura, nos manera di canta y nos ritmo.”

Segun e ex Reina di Tumba Schakel su participacion ta importante pa integracion di Hulandesnan na Corsou. “Su tumba tocante cuminda y cushina di Corsou lo duna tur Hulandes gana di sa mas tocante di esaki. Nan lo siña conoce un parti di nos cultura. Festival di Tumba ta importante pa nos”, Isenia ta bisa.

Peter van der Pligt Maarten ta e di dos Hulandes cu ta participa na Festival di Tumba. Na 1992 Peter van der Pligt tabata e prome. El a




participa cu e tumba ‘Cumpli cun’e’, e tumba mas toca di e aña ey. Segun Isenia Peter e tempo ey tabata mas avansa

cu Maarten awor. “Pero cu un publico anima y e esfera cu ta reina tur cos ta posibel”, segun Isenia. □

## Polis lo cuminsa controla autonan cu luznan ilegal

**Kralendijk, BONEIRO** – Cuerpo Policial Hulanda Caribense, dentro di poco, ta bay controla luz riba vehiculonan. Aparentemente na Boneiro, Saba y Sint Eustatius tin varios vehiculo ta core rond cu luz cu pa ley no ta permiti.

Ta trata aki di, entre otro, luz blauw, luznan adicional LED, baki di luz riba dak di auto, luz blow di LED bou di auto. Segun e ley di trafico, vehiculonan ta obliga pa dilanti tin dos luz cu ta lusa blanco of geel cla y patras di e vehiculo mester tin dos luz cu ta duna solamente luz cora cla. Otro luz cu esun cu a ser menciona ariba por causa confusion den trafico. Tambe e por crea peliger den trafico. Dentro di poco polis ta bay cuminsa cu control riba luznan. Den prome instante chauffeurnan di vehiculonan cu luz cu ta contra di regla, lo haya un advertencia, pero despues di esey, polis lo bay parti boet. □



**The Metropolitan Opera HD LIVE**

ON THE BIG SCREEN OF **CARIBBEAN CINEMAS**

DVORAK  
**RUSALKA**  
FEB 8 1:55PM  
*LIVE*

**THIS SATURDAY**

**NOW IN ARUBA** and exclusively at **CARIBBEAN CINEMAS**, you can experience this grand presentation transmitted **LIVE** in more than **1,900 Movie Theaters** in **64 Countries** around the world, directly from **The Metropolitan Opera House in New York**.

DVORAK  
**RUSALKA**  
FEB 19 6:00PM ENCORE

BORODIN  
**PRINCE IGOR**  
MAR 1 1:00 PM *LIVE*  
MAR 12 6:00PM ENCORE

MASSENET  
**WERTHER**  
MAR 15 12:55PM *LIVE*  
MAR 26 6:00PM ENCORE

PUCCINI  
**LA BOHÈME**  
APR 5 12:55PM *LIVE*  
APR 16 6:00PM ENCORE

MOZART  
**COSÌ FAN TUTTE**  
APR 26 12:55PM *LIVE*  
MAY 7 6:00PM ENCORE

ROSSINI  
**CENERENTOLA**  
MAY 10 12:55PM *LIVE*  
MAY 21 6:00PM ENCORE

**The Metropolitan Opera HD LIVE**

AT **CARIBBEAN CINEMAS MEGAPLEX 8, PALM BEACH PLAZA**

### TICKETING INFORMATION

**735-1974**

For more information:  
Monday to Friday - After 3:30 PM  
Saturday and Sunday - After 1:00 PM

**AWG 50,00 Adults**  
**AWG 45,00 Seniors**

Per person, per function.  
Tax included.

**ENCORE PRESENTATIONS SUBJECT TO CHANGE**

The Met: Live in HD series is made possible by a generous grant from its founding sponsor **The Neubauer Family Foundation** • Global corporate sponsorship of The Met Live in HD is provided by **Bloomberg** • The HD Broadcasts are supported by **Toll Brothers**

**Palm Beach Plaza | Aruba | 586-0074**



## Sindicato NAPB no tin miedo di un referendum bou di Cuerpo Policial

**Willemstad, CORSOU** – Sindicato NAPB no tin problema cu si minister di husticia ke negosha cu un sindicato so. Asina presidente di e sindicato, Ronaldo Abrahams, a declara, reaccionando riba un declaracion di e ‘manager’ di cambio, Alvin Daal. Daal a bisa cu su persona a propone minister di husticia, Nelson Navarro, pa elimina e asunto

di negosha cu tres diferente sindicato ya cu esaki ta dificulta e proceso di reorganizacion di cuerpo policial.

E ‘manager’ di cambio a duna como e ehempel e reciente decision di sindicato SAP pa retira su sosten for di e proceso di reorganizacion y hasta a entama un huicio sumario pa para integracion di SKS

den cuerpo policial. Ronaldo Abrahams, a bisa cu NAPB no tin miedo pa bini cu un referendum ya cu actualmente e ta e sindicato di polis di mas grandi y tur aña e ta creciendo na miembro. “Durante e ultimo dos aña NAPB a bay dilanti cu 298 miembro mientras cu a perde cinco miembro solamente”. Abrahams a enfatisa



cu NAPB no tin problema cu si gobierno ke negosha cu un sindicato so y a bisa

cu e sindicato ta cla pa e reto ey. “Nos ta cla pa cualke referendum”. □



## Laboratorio di St. Elizabeth Hospital a wordo acredita ISO

**Willemstad, CORSOU**– Despues di un periodo di preparacion di cinco aña e Laboratorio Clinico Kimico di SEHOS a wordo acredita, e asina yama ISO 15189; 2007. E norma internacional di ISO aki tin di haber cu exigencianan specifico di calidad hopi estricto y amplio cu ta conta pa laboratorionan medico. A acredita e laboratorio pa un periodo di cinco aña. Si mester remarca cu esaki ta mara na condicion. Laboratorionan mester mantene nan sistema di calidad pasobra anualmente ta sigui controla nan. Den caso si tin fayó e acredita ta wordo revoca. Laboratorio Clinico Kimico di Hospital St. Elisabeth ta e prome laboratorio

liga na un hospital cu ta wordo acredita den Caribe Hulandes. Ta acredita aki ta duna garantia pa cuidu y ta indica cu continuamente ta controla y evalua procesonan den e laboratorio riba nan funcionalidad pa asina continuamente bini cu mehoracion. Cu esaki claramente Hospital St. Elisabeth ta dal un paso dilanti den su meta y ta demostra cu su laboratorio ta pa duna calidad halto den cuidu. Datonan di laboratorio ta forma un parti masha importante den cuidu general di e pashent, como cu dokternan y otro dunadonan di cuidu ta haci uzo di 50% pa 70% di e informacion di laboratorio pa yega nan diagnostica. □

## Maestronan lo sigui curso di recapitacion den varios materia

**Kralendijk, BONEIRO**– Boneiro ta conta cu cerca di 15 maestro incapacita na e Scholengemeenschap Bonaire y Forma. Pa es motibo aki tambe a cuminsa cu e curso di capacitacion di Bachelor pa biologia, matematica, tecnica, ciencia di salud y maneho di cliente. E estudionan aki ta wordo duna door di Maestro Kompas. Maestro Kompas ta un programa

subsidiado door di Hogeschool Utrecht y Open Universiteit riba tarea di e Ministerio di Onderwijs, Cultuur en Wetenschap. E curso aki ta wordo duna parcialmente na Bonaire y e otro parti ta wordo duna via internet. Studentenan ta haya algun curso di loke e profesion ta ofrece. Despues nan ta mantene contacto cu e maestro via Skype. Na april atrobe lo

duna lesnan na Boneiro. E ora lo rond af e prome ciclo y lo cuminsa cu un ciclo nobo. despues lo sigui cu un otro periodo di contacto via Skype y traha di manera independiente. Na Juni un biaha mas lo tin momentonan di contacto fisico, ya cu atrobe lo duna les na Bonaire. Asina lo sigui te cu 2016 na momento cu e studentenan termina nan estudio di Bachelor. □



## Edison Rijna nombra como gezaghebber interino di Boneiro

**Kralendijk, BONEIRO**– Edison Rijna, naci dia 7 juli 1967 a wordo nombra gezaghebber interino di Boneiro. E lo drenta den su funcion oficialmente dia 1 di maart 2014. Esaki a wordo infor-

ma door di e Representante di Reino pa Boneiro, St. Eustatius y Saba, Wilbert Stolte. Aworaki ainda Rijna ta director di Recycling B.V. cual funcion e lo bandona entrante 1 di maart proximo.

E actual gezaghebber Lydia Emerencia a entrega su retiro na final di aña pasa. “Mi a tuma e decision primordialmente pa motibo cu mi ta haya falta di e apoyo di e directiva pa asina cumpli cu mi

deber como gezaghebber na un manera eficiente”, segun Emerencia a declara. E mayoria di e conseho insular a entrega un mocion di desconfianza contra di Emerencia aña pasa. Asina tambe su

funcionamento como gezaghebber a wordo poni na prueba. E procedura pa nombra un gezaghebber nobo a cuminsa entre tanto. Esaki segun Rijkdienst Caribisch Nederland. □



## Proceso den corte tocante Rwanda

**Paris, FRANCIA--** Na Paris, diamars a cuminsa pa prome biaha un proceso contra un homber cu ta wordo sospecha di ta complice di crimen di un pueblo cu genocida durante e matansa etnico na Rwanda situa na Centro di Africa. E guerra a cuminsa casi 20 aña pasa y a costa den un tempo cortico bida di mas di 800.000 hende, principalmente miembronan di e minoria Tutsi. E antes capitan di ehercito Pascal Simbikangwa (54) ta nenga tur acusacion. E ta invalido desde un accidente na 1986. Su abogadonan ta papia di un proceso diplomatico politico cu ta basa riba “nan di”. E ex militar tabata envolvi e tempo ey cu miembronan poderoso di e grupo mayoria di Hutu. El a wordo aresta na 2008 na e isla Frances Mayotte na unda e tabata biba cu un identidad falso. □



## Nacionnan Uni kier casi un miljard pa Sur Sudan

**New York, MERCA--** Nacionnan Uni mester di 1,27 miljard dollar pa yuda Sur Sudan. Nacionnan Uni a haci esey conoci diamars. 3,2 miyon hende na Sur Sudan ta den problema serio. “E prioridad ta salba bida. Nos kier percura pa tin cum-

inda, remedi y otro produccion cu ta salba bida ayanan prome cu e temporada di awasero cuminsa”, Toby Langer di Nacionnan Uni a bisa. Sur Sudan ta den un crisis hopi grandi. Violencia a costa miles di bida y miles di hende a huy. □

## Union Europeo mester traha un plan di accion

**Straatsburg, ALEMANIA--** Union Europeo mester traha un plan di accion pa contra aresta e odio cu tin contra homosexualnan na Europa. E yamada ey e Parlamento Europeo a haci diamars. E ta awor tarea di e Comision Europeo pa bin cu un proposicion pa percura cu Europeanan no wordo discrimina pa motibo di nan caracter sexual. E parlamentari- onan Europeo a pidi Brussel pa bin cu un plan di accion cu accionnan concreto. Di un investigacion Europeo recien a resalta cu cada un di dos homosexual, trans genero y transsexual ta sintinan



discrimina. Un cuart ta bisa di a wordo ataca fisicamente pa motibo di nan caracter homosexual. □

## Homber kier su placa bek



**Brugge, BELGICA--** Pasobra e no por a haya un ereccion y no a haya su placa bek, un buscado di prostituta, kier a mata e prostituta. Corte na Brugge a condena

e homber na 10 aña di prizon pa intento di asesinato. Asina corantnan na Belgica a anuncia. E acusado di 37 aña di edad di origen di Sudan a paga zomer aña pasa un mucha muhe Portugues di 25 aña e suma di 50 euro. E no por a haya un ereccion y a existi su placa bek. E homber a gara e muhe na su garganta. E victima a perde conocimiento. El a sangra pa horea, nanishi y boca. Segun su abogado e acusado no tabata tin nunca e intencion di mata e prostituta. El a actua asina solamente pa haya su placa bek. E homber den pasado a yega di bay cera pa abuso sexual, maltrato y herida otro persona. □



# Libia ta destrui e ultimo armanan kimico



**Tripoli, LIBIA--** E ultimo cargamento grandi di armanan kimico di Libia di e tempo di e dictador Muammar Kaddafi a wordo destrui. Esey e minister di Asuntunan Exterior Mohammed Abdelaziz a informa diamars. Abdelaziz a conta cu exper-tonan Mericano, Canades y Aleman a yuda na destrucion di armanan den e region di al-Rawagha. Segun e no tin mas cargamento grandi conoci. Pais nan di West tabata tin miedo cu e armanan kimico di Kaddafi lo a cay den man di extremistanan. E operacion pa deshaci di armanan kimico na Libia a cuminsa na 2004, pero a wordo interumpi pa e revolucion contra Kaddafi na 2011. □

## Bululu tocante baby morto na fiesta di estudiante

**Antwerpen, BELGICA--** E anuncio cu lo tin baby morto na un fiesta di estudiante na Antwerpen a trece basta conmocion den e mundo di estudiante. E organizacion di estudiante Amentia a bin cu un topico pa un cantus, cu ta un actividad tradicional di studiantenan cu hopi musica y hopi mas cerbes. Studentenan nobo mester a bisti na baby morto. Esun cu kier bisa algo mester a conta un chiste prome tocante baby morto. E organizacion independiente di bebe, manera nan ta yama nan mes, parce di no ta worry cu e critica. "Unda nos ta pone e limite? Dentro di poco no mag di nada mas", segun e presidente di Amentia a bisa diamars na un corant di Belgica. □



## Mucha di 4 aña involvi den guerra

**ORANJESTAD--** E participacion di mucha den e guerra civil di Siria ta demostra con leu humanidad por bay. Riba medianan social di internet por a wak un pelicula cortico

di un mucha di apenas 4 aña cu ta tira cu un arma AK-47.

E mucha homber ta wordo anima den e lenga Arabe pa su tata orguyoso. E mucha ta

descendiente di Oezbekistan of Albania. E video a wordo publica pa un grupo di Siria cu ta bringa pa libertad. Un colaborado di War Child ta papia di un tendencia pre-

ocupante. "Nos ta mira cosnan na Siria cu den e ultimo 20 aña nos no a wak den ningun teritorio cu tin conflicto. Muchanan ta wordo poni di ambos banda den e guerra." □

## Italia ta persigui hefe di mafia cu a huy



**Milaan, ITALIA--** Ehercito di seguridad na Italia a cuminsa un persecucion masal

riba un hefe di mafia cu di-aluna a huy di un manera espectacular na e luga Gallarte

na Milaan. Domenico Cutri di 32 aña a wordo libera na caminda pa corte pa cuater

di su complicitenan. Eynan un ruman di Cutri a wordo mata.

Cutri cu a wordo condena pa pasa su bida den prizon probablemente ta miembro di e organizacion di mafia 'Ndrangheta. El a wordo condena pa bida largo pa motibo di a mata un Polaco cu tabata basila su amiga.

E cuater homber arma, bou cua su ruman, a ataca e parada na momento cu Cutri tabata wordo hiba corte. A cuminsa un tiramento entre cuater polis cu tabata guia e hefe di mafia. E atacado nan a haci uzo di pepperspray. Dos polis a resulta herida. Cutri a huy den e auto cu e asaltantenan a trece y desde e momento ey ningun hende sa di su paradero. □





Les a pagina B5

## Ganado di Biyar



Les a pagina B2

## Delegacion na campo di entrenamiento



Les a pagina B4



## Estudiantes Lifida ta empata y gana Juventud Tanki Leendert



**ORANJESTAD** - Futbol Lifida a continua diasabra atardi riba diferente tereno di bala rond di nos isla. Na Dakota, e ekipo di Estudiantes a ricibi bishita di Juventud Tanki Leendert unda a bataya fuerte den e categorianan di baby y A. Den e prome partido valido den Baby, ambos ekipo no a logra haya hinca gol, unda

cu e wegá a keda empata na cero gol. Despues a sigui cu e partido den Lifida A aki si Esudiantes a golea Tanki Leendert.

Aki nan ta bin gana e wegá cu e score di 7-1, e golnan pa Estudiantes a wordo anotá pa Cesar Salazar cu a score 3, Zhayron Davelaar 2, Cleyvenson Gradin 1 y Pablo Vargas 1. □

## Ganadonan den e Aruba 9Ball Open

**ORANJESTAD** - Den un fin di siman yena cu accion, e Venezolano Sanchez ta pasa den basta awa bruto pero na final e ta Corona campeon contra di Ryan Rampersaud. Sanchez den su prome wegá a tambalia contra di Elvis Evertsz, pero Evertsz no a probecha pa mande lona.

Den octavo final ta Jeffrey Nieuwehuizen di Curaçao ta haya Sanchez pa knock out pero e tampoco ta probecha. Den cuarto di final Sanchez



ta tumba su compatriota Garcia, despues ta K.O. Angelo Tromp pa yega final. Den final Rampersaud ta duna bataya te 4-4 pero despues ta comete eror nan pa asina Sanchez logra yega 7 rack gana y e titulo.

Na tercer luga ta keda Jorziho Everon cu ta gana Angelo Tromp pa medaya di brons.

Cuarto luga a keda Angelo Tromp, 5to luga tin 4 empate cu ta Win Dabian,

Ditto Acosta, Richard Wolff y Alexander Garcia di Venezuela. Total a participa 50 cabayero. Den categoria di dama Ghislaine Kock a gana Marcia Chirino 5-4 den un final dramático pa Ghislaine bay cu e medaya di oro y Marcia a keda cu plata. Na tercer luga a keda Natalie Lin cu medaya di brons. Total a participa 7 dama.

Pizza Hut a sorprende e campeonnan cu the World Best Pizza y Balashi Chill bon friu a steel the show den e fin di siman di biyar. □



*Den Liga Hubenil di AVB*

# Ekiponan Dakota y Estrella a parti punto den mayor



**ORANJESTAD** - Dialuna atardi, e Liga Hubenil di AVB a continua den e division di mayor. Na Dakota, e ekipo di cas esta e amariyonan a topa cu e rival eterno cu Estrella.

Mester bisa cu den un tremendo partido brinda pa ambos ekipo e wega ta keda empata na un gol. Pa Estrella ta anota e ex hungado di Dakota, David Dubero, mientras pa Dakota ta anota Cesar Vasquez. Den e otro partidonan

Nacional/Washington a gana 4-1 for di Riverplate. Aki e hoben goleador Andrew Valois-Smit ta anota 2 biaha pa su ekipo Nacional/Washington, mientras cu Chrisian Tromp y Christopher Leung ta anota e otro dos golnan. Tambe nos tin Britannia Fredco/Bright Bakery/CMB a perde cu e score di 4 - 0 for di SC United di Noord. Por ultimo e duelo di pariba di brug entre La Fama y Brazil Jrs lo wordo hunga riba un otro fecha. □





## Delegacion di bowling a sali pa campo di entrenamiento di ITRC



**ORANJESTAD** - Dialuna ultimo un delegacion di bowling consisti di Thashaina Seraus, Laurence Wilming y Jason Odor a biaha pa Dallas, Texas unda nan lo permanece pa un siman na e ITRC trainingscenter. E atletanan lo entrena di dialuna te cu diasabra. Mester bisa cu na e campo di entre-

namento e atletanan lo traha riba e aspectonan di consistencia di wega, versatilidad, "lane play", movecion di bala, traha den team y entrenamiento mental.

Bou guia di cuater coach cu experiencia internacional nos atletanan lo haya e entrenamentonan. Cada entre-

namento lo cuminsa di 9'or di mainta te cu 5'or di atardi.

E campo di entrenamiento na Dallas, Texas di e atletanan Seraus, Wilming y Odor mester sirbi como nan preparacion pa e Weganan Suramericano 2014 cu lo tuma luga den luna di maart na Santiago, Chile.

Comision di Subsidio cu e sosten fi-

nanciero di Lotto, e loteria di Aruba ta subsidia e delegacion di bowling pa asina e atletanan por atende e campo di entrenamiento cu lo yuda nan mas miho ainda den nan preparacion pa e Weganan Suramericano.

Comision di Subsidio y Lotto kier a desea e delegacion di bowling tur clase di exito na Dallas, Texas. □

## Brazil Taekwondo Stichting ta confirmando cu Aruba su team ta cla pa Surinam

**ORANJESTAD** -- Diamars atardi e team di Aruba cu a wordo prepara door di Clifford Rasmijn di Brazil Taekwondo Stichting a confirma cu nan ta cla pa Surinam. E team ta biahando diabierna awor pa Surinam na unda cu pueblo por bin apoya nan pa 5'or y mey di atardi na aeropuerto den nan uniform bunita cora .

Clifford Rasmijn a duna e team nan instruccionnan pa asina nan bataya na Surinam na unda cu e team di TK5 lo enfrenta Surinam, Frans Guyana y Guyana. Diamars atardi despues di training Alberto Klabér di Brazil



Taekwondo Stichting a entrega e team nan polo cora cu nan ta bay biaha aden hunto cu nan training pak cora. E team di Aruba ta consisti di e

Nicolas Taekwondo Center.

2. Rasheed Lowe di Brazil Taekwondo Stichting.

3. Samuels Jones di San Nicolas Taekwondo Center.

4. Jonathan Baez di Noord Taekwondo Center.



siguiente atletanan di e diferente scolnan di Taekwondo na Aruba.

5. Justin Arrindell di Brazil Taekwondo Stichting.

1. Cleff Dede di San Aruba su delegacion cu ta

biahando pa Surinam ta consisti di e siguiente personanan; Cleff Dede, Rasheed Lowe, Samuels Jones, Jonathan Baez, Justin Arrindell, Clifford Rasmijn coach di e team TK5, Jose Chaco Cornelio referee Olimpico y Alberto Klabér Media. □





**Moscu, RUSIA--** E president di e Comité Olimpico Internacional (COI), Thomas Bach, a bisa cu Sochi ta cla pa e miho weganan olimpico di winter den historia.

“Na Sochi tur cos ta cla pa cuminsa e miho olimpiada di den historia.

Nos a bishita e terenonan olimpico, nos a papia cu e atletanan y nos no tin ningun duda cu e ta wordo realisa riba e nivel mas halto” asina Bach a comenta, asina el a wordo publica pa e medianan Rusiano.

Di su parti e presidente di e Comité Olimpico di Rusia, Alexander Zhúkov, a sigura cu tur e instalacionnan deportivo pa e Olimpiada na Sochi 2014 ta cla.

E di 22 Weganan Olimpico di Winter ta cuminsa dia 7 di februari den e ciudad turistico Sochi, situa den e parti zuid di Rusia, na e costa di Zwarte Zee. □







# Mas enfoke riba prevencion di cancer

Lesa pagina B7

Mark Gonzales a haci un cos!



Lesa pagina B8


Comunidad India



Lesa pagina B9



# Mas enfoke riba prevencion di cancer



**ORANJESTAD--** Cancer ta e di dos causa principal di morto na Aruba y na mundo completo den top 3. Dia 4 di februari ta recorda e dia di e lucha contra e enfermedad aki. Diferente organisacion ta dedica nan esfuerso pa elimina e teribel enfermedad aki, cu cada aña ta ataca mas victima y Minister dr. Alex Schwengle, tambe ta reflexiona riba e dia aki y e funcion importante cu nos fundacionnan tin. “Awe dia 4 di februari, mi kier recorda tur hende, cu e malesa cancer por touch nos tur. Nos no ta celebra e dia aki, mas bien nos ta conmemora tur hende cu ta biba of a bay laga nos door di e malesa cancer. E ta

un malesa cu ta afecta henter un famia y por bati na porta di cualkier persona”, e mandatario a enfatisa. E mandatario den su funcion como Minister di Salud Publico, ta aplaudi e iniciativa di Koningin Wilhelmina Kanker Fonds, como tambe Mary Joan Foundation y e otro nan tambe, cu ta traha duro riba e cuidu despues. Ta inverti hopi placa den e parti ey, cu ta un aspecto masha importante pa e pashent y su famia. Pero awor Koningin Wilhelmina Kanker Fonds kier bay un tiki mas den e direccion di prevencion, pasobra riba termino largo, esey ta duna miho fruta. “Na Aruba ora di papia di

cancer, prome cu ta bin na mente di hopi ta sea cancer di pecho of cancer di prostaat. Pero e realidad ta cu tin hopi mas cancer na Aruba y den un cantidad substancial, manera cancer di cuero, cu no ta hayando suficiente atencion y ta yega ora pa cuminsa duna mas atencion. Mescos ta conta cu cancer di garganta, cancer di stoma y cancer di tripa, cu ta directamente relaciona cu nos estilo di bida. Realidad ta cu tin hende cu ta nace cu cierto patronchi genetico y nan ta haya nan mes confronta cu e malesa cancer na un edad hoben, pero di otro banda, gran parti di e hendenan cu cancer ta debi na e manera con nos ta biba nos bida. Cu

esaki e ta referi entre otro na uzo y abuso di alcohol, sigaria, siga, comemento malo cu cantidad di salo haltu, carni cora, cu tambe ta hunga un rol riba e cantidad di caso di cancer na Aruba”, ta loke e mandatario a splica. Lilian Prins, presidente di Koningin Wilhelmina Kanker Fonds, tambe a duna un spliacion chikito tocante e dia di 4 februari. “Dia 4 di februari ta Dia Mundial di Cancer, pero alabes a enfoca riba e hecho cu e fundacion ta celebra e di 53 aña di Koningin Wilhelmina Kanker Fonds. El a wordo funda dia 4 di februari 1961. Nos enfoca e aña aki lo ta riba cancer en general y con por traha riba pre-

vencion. Cancer a crece hopi mundialmente, p’esey mes ta importante pa cuminsa traha mas fuerte riba prevencion. Mi ta conseha y curasha tur hende pa bay dokter na tempo, vigila bo curpa.” Segun Sra. Prins, nan ta basta druk na fundacion y tur hende cu yega cerca nan ta bonbini y ta door di nan boluntad propio. El a enfatisa cu: “Nos tur mester bira mas consciente y ban traha hunto riba prevencion y ta consciente riba bo curpa”. Tanto hende muhe como hende muhe mester ta mas atento cu e señalnan cu bo curpa ta duna bo y no warda te ultimo, paso finalmente no ta abo so ta sufri, sino henter bo famia. □

## “Real Morning Show” a cumpli un aña den aire

**ORANJESTAD--** Di dialuna pa diabierna, cuminsando for di 6:30am pa 9:00am, oyentenan ta claba riba Blue 107.5FM pa scucha e programa “Real Morning Show”

presenta pa Leo Geerman.

E programa a start net un aña pasa, y ta conta cu un sintonia grandi di specialmente hobennan preparando pa bay

scol, nan mayornan y automobilistanan rumbo pa scol y/of trabou.

Den e programa ta presenta musica, ta repasa titularnan

di e noticianan mas importante di dia, ta tuma yamadan den aire pa felicita cumpleañosnan y ta manda conseho pa hobennan pa bay scol y sigui studia. Durante

un programa special diamars, Leo Geerman a gradici Dios, su famia cu ta sostene, su oyentenan y specialmente su patrocinadonan cu a sostene durante henter aña. □



# 2014 Alegria y Fantasia Carnaval 60

## Presentacion exitoso di Tumbero Mark Gonzales



**ORANJESTAD--** Riba 1 di februari ultimo e Tumbero Mark Gonzales a subi stage y a duna un tremendo presentacion durante e festival di Tumba. Digicel a para banda di Mark den su rol como amigo fiel di Special Olympics Aruba y a sostene incondicionalmente. E re-



sultado tabata uno extraordinario, ya cu Mark a logra gana e premio di 'Rookie of the Year' den e competencia di Festival di Tumba di nos Carnaval 60, cu a conta cu 36 participante.

Digicel a ofrece Mark sponsor cu T-shirt y cu un diseño dedica na e cantante padilanti riba e T-shirt y e logo di Digicel banda patras. Di e forma aki Digicel a duna Mark sosten pa e por tabata bon representa durante su presentacion. Gerente General di Digicel Aruba, Remko van der Veldt y e famia grandi di Digicel ta bata hopi entusiasmo di por a mira Mark Gonzalez briya ariba escenario y poniendo tur hende baila riba e tononan di tumba!

Cu hopi determinacion y dedicacion Mark a entrena hunto cu Delicious Band y a duna un presentacion di kita sombre. Pa Mark, e combinacion di deporte y musica sigur ta complementa otro y ta trece hopi alegria den su bida.

Digicel ta contento di por a duna sosten na nan amigo special di Special Olympics Aruba y ta yama tur esunnan cu a participa un pabien bon mereci!

Digicel ta orguyoso di por aporta na e talento di nos muchanan special. □



# 2014 Alegria y Fantasia Carnaval 60

*A clausura cu un exposicion di henter un siman na UNOCA*

Asociacion Indio di Aruba ta celebra e di 65 aña Dia di Republica di India



**ORANJESTAD** – Siman pasa, e Asociacion Indio di Aruba, a celebra e di 65 Dia di Republica di India den forma di un exposicion di un siman riba bida y enseñansa nan di Mahatma Gandhi y e estilo di bida Indio en general. E comunidad Indio a reuni cu un grupo selecta di invita-donan pa duna nan un bista di e pinturanan, forman di baile, estilo di bisti, cuminda y musica di India. Un introduccion cortico riba e bida di Gandhi y India moderno, a wordo sigui pa un programa cultural, cu snacksnan tipico di e pais aki.



E Asociacion Indio kier a gradici e publico Arubiano pa tuma bentaha di e oportunidad aki y tambe e staf maravioso di UNOCA pa facilita cu e exposicion. E Asociacion Indio ta den e proceso di construi nan propio centro cultural pa asina nan organisa intercambionan cultural riba hopi mas aspecto cu e comunidad Arubiano. □







Skirbi pa Dr. Carlos Viana

# Bo tin Energia?

Tur hende awendia ta parce di ta preocupa cu energia. Nos autonan no lo bay mucho leu sin dje. Como nos transportacion pa trabou, nos sa cu petroleo curu mester wordo rafina pa traha gasoline y diesel fuel. Esaki ta produci un tipo di energia cu ta move nos auto.

Den nos curpa, glucose acidonan amino y vet di nos cuminda ta e material curu cu mester wordo perocesa pa asina nos cellnan por haya combustibel. Bo curpa ta produci primeramente e combustibel /Adenosine Triphosphate (ATP), cu ta provee e energia pa nos curpa su movecionnan y funcionnan vital.

Te hasta cu un bon dieta, bo curpa lo por tin mester di suplementonan nutricional adicional di vitamina C, magnesium, zinc, lecithin of choline y Ribose pa produci ATP of energia. Ribose ta un sucu simple cu ta e weso di lomba di ribo-nucleic acid (RNA) y 'deoxyribo-nucleic

acid (DNA), e material cu bo curpa ta haci uso di dje pa pasa bo codigonan genetico di un generacion pa otro.

DNA y RNA tambe ta necesario diariamente pa genera y repara cellnan nobo pa e curpa. Un curpa saludabel por traha su mesun ribose di sucu nutrinucional, pesar di esaki e ta rekeri hopi energia y ta un proceso hopi poco poco. Esunnan diabeticos, personanan cu malesa cronico di degeneracion y hende cu ta hiba un bida extreamadamente activo of di hopi stress no ta produci e cantidad necesario of suficiente di ribose pa yuda e curpa completamente cu su proceso vital.

ATP ta move nutrientenan aden y ta saca suchi for di cellnan y ta duna musculonan e forza of energia necesario pa move y tambe pa relaha. ATP tambe ta desintoxifa bo curpa y ta produci señalnan cu ta stimula hormonanan. Sin combustibel

bo auto no ta move. Mes-cos, si un cantidad grandi di ATP bo curpa ta bira stijf y bo joints nan ta cuminsa haci dolor di arthritis.

Lupus, ta un malesa cu ta inclui desgaste y e perdida di musculo, syndrome di cansancio cronico, catarata y malesa di sistema auto inmunico manera 'fibromyalgia', tur ta sintoma di un deficiencia cronico di ribos. Na nos clinica nos a wak mehoracion den dolor di musculo y kramp cerca hendenan cu tin e problemanan aki of otro condicionnan tambe door di ahusta nan dieta y agrega suplementonan di calidad, specialmente Ribose. Cerca personanan mas bieu nos ta wak un mehoracion den musculonan mas saludabel y den tur grupo nos ta mira un reduccion den cansancio cu ta debilita nos pashentanan.

Como un nutricionista clinico certifica, mi tambe a prescribi Ribose na pashentanan cu deficiencia di curazon cu no por a subi mas cu un par di stap. E curazon, ya cu e ta un musculo ta responde positivamente na suplementacion di Ribose cu e ta hisa e nivel di ATP den e musculonan. ATP ta contribui na un mehoracion cu bo por midi den e forza cardio vascular. Despues di un siman tumando suplementonan di Ribose, pashentanan a reporta di a posibilidad di subi un trapi completo di manera masha comodo.

Un bon dieta pa cada persona su tipo metabolic y suplementacion cu D-Ribose a de-

mostra mehoracion di salud y bienestar. No solamente hendenan cu problemanan cardio vascular, pero atletanan cu ta caba cu tur nan reserva di energia por beneficia di suplementacion cu D-Ribose pa reduci kramp durante di practica y dolor despues. Raportahenan a muestra cu Ribos por te hasta baha e nivel di sucu den sanger y tambe ta conoci pa alivia e nivel di cu-alkier malesa y di kramp premenstrual.

Stijf di musculo of dolor ta resultado di no solamente esfuerzo fisico pero generalmente nan ta pensa cu e ta un sintoma di bira bieu. Embes di medicamento pa dolor, prome mi ta haci un analisis di sanger of otro testnan pa controla e salud di persona y mi ta controla cu nan ta bebiendo suficiente awa. Despues nos ta recomenda acupuntura pa alivia stress y relaha musculonan di forma natural. Tambe nos ta haci uso di selenium y vitamina. E pa yuda mantene un bon salud y proteha e integridad di e cellnan di musculo. Anti oxidantenan ta yuda busca radicalnan liber cu ta dañe musculonan cu ta bou di stress.

Get the Point! Stijf, cansancio por ta un obstaculo pa un bida feliz y saludabel. D-Ribose cu a demonstra di yuda bo curpa traha mas energia cu e tin mester pa mehora su salud y bienestar. Hayando miho y manera nobo pa mehora e calidad di bo curpa, su fuente di energia ta un caminda important pabo cum-

insa. Embes di refresco of un cantidad infinito di cofi pa mantene bo moviendo, evaluacion nutricional pa yuda bo siña con elimina sushi y traha mas combustibel eficiente pa bo curpa. Haci un cita pa un consulta.

CARLOS VIANA ta un Docter (Ph D) den Antropologia Medico, e ta un Doctor den Medicina Tradicional Oriental studia na Shanghai, China; nutricionista clinico certifica. Tambe miembro di directiva di e Asociacion di Professionalnan den tratamiento di adiccion y toxicologia, Presidente di e comite pa America Latino di e Academia Internacional di Medicina Oral y Toxicologia. Dr. Viana tin un programa di radio tur siman, ta scirbi y duna lecturanan extensamente. Pa mas informacion di e servicionan na VIANA NATURAL HEALING CENTER NV, Kibaima 7, Tel 585 1270 Fax 585 4789, Web sight: [www.vianaheal.com](http://www.vianaheal.com). "Prescriptions from Paradise" - 2012 International Book Award Winner - ta obtenibel na Aruba na Viana Healing Center, tur libreria, Gift shops y centro nan di salud di calidad.

Tambe ta disponibel den forma do print y pa Kindle download pa nos amigo nan pa fo di Aruba na [www.amazon.com](http://www.amazon.com). Pa anuncio nan acerca di mas evento nan y firmamento di buki check, check corant nan local, radio y television tambe como riba [www.vianaheal.com](http://www.vianaheal.com) y join e discusion riba nos Facebook pagina: [www.facebook.com/prescriptionsfromparadise](http://www.facebook.com/prescriptionsfromparadise) □

Gift Certificates  
Healthy Products



**M-Sat at Kibaima 7**  
(St. Cruz, opposite the Drive-in)  
**Walk-ins welcome**

[www.vianaheal.com](http://www.vianaheal.com)  
[info@vianaheal.com](mailto:info@vianaheal.com)

Dr. Carlos Viana  
Oriental Medicine, Clinical Nutrition, Colon Hydro Therapy

## Need a Whole Body Make-Over? TEL: 585-1270

Pain & Inflammation – Sleep – Stress - Allergies – Stomach Problems, PMS, Menopause, Chronic colds & flu – Fertility, natural Pregnancy, Post-partum – Addiction (Alcohol, street & legal Drugs, Gambling, Sex, WEIGHT CONTROL) – AGE Management



Visit  
Aruba's  
Barefoot  
Doctor


**Viana**

HEALING CENTER



- \* Toxic Heavy Metals, Amino Acids
- \* Food & Chemical Sensitivity Testing
- \* Specialized Hormone Testing

## Take Home PARADISE



Available at local  
Bookstores & Gift shops  
Paperback & EBook on [amazon](http://amazon.com)



*“Let’s Get Wild!” ta Diadomingo awo*  
**Cu “Flip Flop” of pia abao...Cu Chill ta**  
**na Nikky Beach tur hende lo ta!**



**ORANJESTAD** -- Diadomingo awo Chill ta presenta su super popular “Carnival Season Beach Party” gratis na Nikky Beach cu presentacion di algun di e top bandanan y DJ-nan. Nan lo presenta den aire liber riba un escenario grandi for di 12or di merdia te cu 10or di anochi.

“Chill Flip Flop Beach Festival” ta priminti di ta ainda mas grandi cu aña pasa, cu un ambiente fenomenal. Henter

comunidad di Aruba, como tambe nos turistanan, ta wordo invita pa bin disfruta di un concierto grandioso riba beach, cu por wordo disfruta relajando riba beach of den lama como tambe pa esunnan cu ta scoge pa yega via di lama riba nan boto y yatanan. E “line up” estelar ta consisti di B.M.W., Duro, Youth Xtreme, Upgrade Music, DJ 101, Karixon, F.U. Entertainment, MC Divine for di Hulanda, Marc Era, Nebwani,

NRG, Nutzbeatz, MC Niro y Jay Nightride. Y, como un regalo special pa Flip Flop Beach Festival Let’s Get Wild Edition, Chill a logra contrata for di Hulanda e DJ internacional DJ Quintino!

Cu “flip flop” of pia abao, tur esunnan fiel cu Chill y tur amante di musica y bon ambiente ta riba Nikky Beach diadomingo awo! Wak pa bo no perde e ‘beach party’ gratis mas fabuloso di aña. □

*Aurora*  
*Funeral Home*

Tel: 593-0857 / 588-6699 / 560-1403  
 Fax: 588-6698

“Señor ta mi wardador, mi’n tin falta di nada  
 Den cunucu di yerba berde e ta ponemi sosega.  
 E ta hibami na awa trankil,  
 Pa mi bolbe haña forsa”.  
 Salmo: 23

Cu honda pena, pero conforme cu boluntad di Dios  
 ta anuncia fayecimento di:



**Bertha Oduber-Yarzagaray**  
 \*06-06-1932 †03-02-2014

Acto di entierro lo wordo anuncia despues.

Adres pa condolencia: Aurora Funeral Home, diabierna  
 7 di februari 2014 di 7’or pa 9’or di anochi.

Cu hondo pena nos ta anuncia  
 fayecimento cristianamente di

*Christianus Henricus*  
*Josephus Maria Vloet,*  
 Miho conoci como Chris.  
 8 maart 1945 – 5 februari 2014.



**Chris ta laga atras:**

Su casa stima Epifania Maria Theresa (Chita) Vloet-Wever;  
 su yiunan stima Christy Vloet y Sylvia, Angelo Vloet y Cecile;  
 su nietonan stima Aaron y Helena;  
 su rumannan stima Marietje y Joop, Joke y Willy, Riekke y Hans, Harry y Diny, Tonny y Ans, y famia.

Entierro di Chris lo tuma luga na Cuijk, Hulanda.  
 Adres pa condolencia: Chita Vloet-Wever, In ‘t Hoefijzer  
 38B, 5431 XG, Cuijk, Nederland;  
 e-mail: chitaaruba@hotmail.com.

Sra. Vda. Tina Wever-Almary,  
 Su swa- y cuñanan:

Pancho Wever y famia,  
 Epi Wever y famia,  
 Wichi Wever y famia,  
 Mimi Wever y famia,  
 Chichi Delaney-Wever y famia,  
 Vdo. Chito de Cuba y famia,  
 Mau Wever y famia,  
 Chinto Wever y famia,  
 Booshi Wever y famia,

ta invita tur famia, amigo- y conocirnan pa un Santo Sacrificio di Misa pa descanso di alma di Chris, diasabra, dia 8 di februari proximo pa 7’or anochi na Misa Cristo Rey na Brazil.

Cu Chris sosega na paz.





“Laga tur locual, cu ta sperami ta bunita,  
Laga tur locual, cu mi encontra na caminda ta  
bunita, Laga tur locual, cu ta rondonami ta bunita  
Laga tur locual mi ta laga’ tras keda bunita  
y laga esakinan termina den tur buniteza.”

A fayece inesperadamente:



**Bernadette Marcela  
Wolff-Figaroa**

Mihor conoci como: “Tanchi Betty”

Na nomber di su:

Mayornan: †Hironimo y †Magdalena Figaroa-Flanegin  
Esposo: Jozef “Cheppy” Wolff  
Yiunan: Randolph y Raquel Wolff-Heyden  
Carlos Wolff  
Lizmary Wolff

Nieta(o)nan cu ela stima hopi: Rachella y Randel Wolff, Nathan Kelly  
Rumannan: Filomena y Nacho Eduardo y yiunan

†Benny Figaroa  
†Nicolaas Figaroa y yiunan  
Manuel y Mirna Figaroa y yiu  
Francisca y yiu na Miami  
Roberto Figaroa y yiunan  
Angela Figaroa y Arnold Kelkboom  
y yiu na Miami  
Lucas y Imelda Figaroa y yiunan na

Hulanda

Marcia Figaroa y yiu na Hulanda  
Hendrick Figaroa y Ingrid Giron

Swanan y cuñanan: †Genoveva Wolff  
Claudio y Annie Wolff y yiunan  
Hose y †Bertha Wolff y yiunan  
Juancito y Ika Wolff y yiunan  
†Filomena y Frans Giel y yiunan  
Maria Wolff y Thomas Giel y yiunan  
Thomas y Lourdes Wolff y yiunan  
Pedro y Nuris Wolff y yiunan

Tanta y omonan, prima y primonan, sobrina y  
sobrinonan, ihanan, amiga y amigonan, demas  
conocirnan

Famia: Wolff, Figaroa, Flanegin, Kelly, Heyden,  
Eduardo, Tromp, Giel, Gei, Franken, Christiaans,  
Kelkboom, Henriquez, Jacobs, Suarez,  
Semeleer, Giron, Henricus, Croes, Bernabela,  
Pontilius, Hernandez

Ta invita tur amigo, bisiña y conoci pa asisti na  
e acto di entierro cual ta tuma luga Diabierna 7  
di februari pa 4’or di atardi saliendo for di Misa  
Santa Anna pa santana catolico na Noord. E resto  
mortal di Tanchi Betty lo ta reposa for di 2’or di  
atardi den Misa Santa Anna na Noord.

Adres pa condolencia: The Olive Tree Funeral  
Home na Cumana

Diahuebs 6 di februari di 7’or pa 9’or di anochi  
Nos kier a pidi nos disculpa si nos por a lubida  
un of otro famia den nos tristeza.



“The Lord is my shepherd; I shall not want.  
He maketh me to lie down in green pastures.  
He leadeth me beside the still waters.”  
Ps. 23:1-2

With deep sympathy we announce the death of:



**Marjorie Yewfrona Richardson**  
July 4th, 1932 – February 2nd, 2014

Left to mourn are:

Her Children: Ingrid (Inky) Richardson  
& Charlton Tromp  
Franklin Richardson

Her Grand Children: Jovian Richardson  
Sean-Brandon Maria  
Qy-Unty Maria

Like her Daughters: Judith Richardson  
& Family in Saint Maarten  
Jackie Richardson & Family  
in Saint Maarten  
Sharon Ashbey Saint Maarten

Like her Sons: Eugenio Whitfield  
Rusco Curiel  
Rufo Quandt  
Giovanni Hoek  
Kurt Biermans in Holland  
Rocky Horsford in USA

Father of her Grand Children: Shurby Maria &  
family

Close Family: Carti, Mari, Elaine, Baldwin,  
Juanita, Patsy, Annie, Sandra, Christalia, Shirley  
& Rudy

Brothers In Law: Clarence Richardson & Family  
in Saint Maarten  
Godfried Richardson & Family in Saint Maarten

Close Friends: Mary van Putten, Ruby Whitfield,  
Ursula Peterson, Monica Morris,  
Arlett Gibbs, Mary Susan, Gladys, Graciela, Holley  
and Cainter Hill

She was related to the following families:  
Richardson, Maria, Tromp, Carti, Horsford,  
Labega, Arrindell, Forde, Bryan, Felician, Wilson,  
Arndell, Brown, Carter.

The cremation will take place in Curaçao  
Condolence address: The Olive Tree Funeral  
Home - San Nicolas

Thursday February 6th, from 7 to 9 pm  
In our grief if we have forgotten to mention any  
family or friends here and abroad,  
please accept our apologies.



“Cerca Dios so mi alma ta na paz,  
ta di dj’E mi salvacion ta bini.”  
Salmo 62:1

A fayece cristianamente:



**Anjenette Fabiola Tromp**  
Mihor conoci como: “Anchi”  
\*21-9-1972 †5-2-2014

Acto di entierro ta tuma lugar Diasabra 8 di Feb-  
ruari pa 3:30 na Misa Cristo Rey na Brazil.

Adres pa condolencia: Wernet straat 1 San Nico-  
las  
Diahuebs 6 di Februari di 7’or pa 9’or di anochi



“Lo e seka tur lagrima for di nan wowo, i morto  
lo no eksisti mas; lo no tin nada di rou, nada di  
yoramento, nada di dolor mas, pasobra tur kos di  
antes a pasa bai”  
Rev. 21:4

Cu honda pena pero conforme cu boluntad di  
Dios nos ta participa cu a fayece cristianamente:



**Myrna Elizabeth Cratz-  
Tromp**  
\*16-08-1937 †02-02-2014

Acto di entierro lo wordo anuncia despues.



A fayece inesperadamente :




**Sra. Zinong Huang**  
mihor conoci como “Mama”  
Doño di Li Wah Minimarket  
\*14-08-1934 - †03-02-2014


Acto di entierro lo wordo anuncia despues



Mutts




6 Chix



Blondie



Mother Goose & Grimm



Baby Blues



Zits



Conceptis Sudoku

			1				6	
3	4			6		5	9	
	7				2			
		5						6
	9						4	
2						8		
			3				1	
	6	1		9			8	7
	5				7			

Difficulty Level ★★

2/06

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer

7	6	3	2	9	8	1	4	5
4	1	8	6	7	5	2	9	3
5	9	2	4	3	1	7	6	8
3	2	4	8	1	6	9	5	7
6	8	7	9	5	2	3	1	4
9	5	1	7	4	3	8	2	6
2	4	9	5	8	7	6	3	1
8	3	5	1	6	9	4	7	2
1	7	6	3	2	4	5	8	9

ACROSS

- 1 Sings without words
- 5 \_\_\_ of time; early
- 10 Puncture
- 14 Resting on
- 15 Shampoo brand
- 16 Give up, as territory
- 17 "A \_\_\_ of Two Cities"
- 18 Part of a flower
- 19 Mistiness
- 20 Grain bundles
- 22 Manual worker
- 24 Relatives
- 25 Faithful
- 26 Pompous fools
- 29 Safety \_\_\_; closed fastener
- 30 Wooden shoe
- 34 Derogatory remark
- 35 Up until now
- 36 Manly
- 37 "\_\_\_ Anybody Seen My Gal?"
- 38 Subscription extension
- 40 Short swim
- 41 Resounds
- 43 Galloped
- 44 One of the 12 sons of Jacob
- 45 Small rowboat
- 46 Is able to
- 47 Like a winter coat
- 48 Wild
- 50 Talk on and on
- 51 Chopped off
- 54 Of the national government
- 58 Primary
- 59 Actor Gibrian
- 61 Uncommon
- 62 Footed vases
- 63 Fib tellers
- 64 High point
- 65 Delight
- 66 Feel; perceive
- 67 Not as much

DOWN

- 1 Sombreros and derbies

1	2	3	4	5	6	7	8	9	10	11	12	13
14				15					16			
17				18					19			
20				21			22		23			
			24			25						
26	27	28			29			30	31	32	33	
34				35			36					
37				38			39			40		
41		42				43			44			
45					46				47			
			48	49			50					
51	52	53				54			55	56	57	
58				59	60				61			
62					63				64			
65					66				67			

Created by Jacqueline E. Mathews

2/6/14

Wednesday's Puzzle Solved

IMP	ISLES	SHIN
REAM	SHOVE	CONE
ALLY	RAVEN	URNS
TESTAMENT	LAST	
TREE	RAP	
APPEAL	PAINTERS	
HAIRY	FIRE	MEL
ENVY	HINTS	NOSE
ADO	FORTS	BATED
DATELESS	RENEWS	
BUD	CAAN	
SLOB	OBTAINING	
TAXI	WEIRD	EYED
OVEN	NERVE	SEAR
PANG	SNEER	TRY

(c) 2014 Tribune Content Agency, LLC All Rights Reserved.

2/6/14

- 38 \_\_\_ to; cite
- 39 Pale
- 42 Take \_\_\_ to;
- 44 Broad-minded
- 46 Golfer's aide
- 47 Boy
- 49 Becomes dizzy
- 50 Honking birds
- 51 Self-righteous
- 52 British noble
- 53 Grape plant
- 54 Forest trees
- 55 Track-and-field event
- 56 Upper limbs
- 57 Spike & Bruce
- 60 Actor Aykroyd



## DOCTER NA WARD



Oranjestad

Dr. Anthony

## EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

## BOTICA

O'STAD: Dakota Tel: 588-7364  
S. NICOLAS: Aloe Tel: 584-4606

## SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

## CRUISESHIP

Feb. 6

Adventure of the Seas  
Zuiderdam  
Legend of the Seas

## MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

## FOUNDATION

### FELLOWSHIP CLINIC

Tel: 584-6440  
Alcoholism & Drug Addiction,  
Anonymity guaranteed

## FUNDACION

Anti-Droga  
Aruba

(FADA) Tel: 583-2999

## FUNDACION

Respetami

Tel: 582-4433

## Diabetic Foundation

Arubano

Tel: 583-3808

## Narcotics Anonymous

Tel: 583-8989

## Foundation Amor

pa Prohimo

Tel: 583-3345 /586-6976

## Women in Difficulties

Foundation

Tel: 583-5400

# Meditacion Maya



1. CIMI ta Morto, of loke ta termina di luga pa nobo. Loke ta fisico no ta pa semper. Soña, celebra, y comparti bo spirito y curason.

2. MANIK ta e Man. Touch e mundo, y asina manera e curason di e res-tonan. Sea gentil y respetuo-so. Asina cu touch, of wordo mishi, no tin buelta atras.


3. LAMAT ta e Strea, inspiracion y wardado di tempo. Bo ta e Strea. Nota e beyesa di shelo anochi, ya cu ta cambia di ora den ora. Mira e streanan cu ta briya

den otro personanan.

4. MULUK ta e Yobida, gentil y curandera. Cera e wowonan y perde den e zonido di e suave yobida cu ta cay den un anochi friu. Mantene frescura, relaha-cion, tranquilidad y prepara bo pa cualkier cos.

5. OC ta e Cacho – fiel, sabi, entrena y determina. Pensa den bo famia y amigonan y manera nada por sepa-ra. E amor y e devocion lo mantene boso hunto. Nunca lo bo mester ta boso. □

## Pronostico di tempo pa Aruba



Tempo:

Levemente nubia y gen-eralmente hopi seco; Temperatura maximo 29 grado Celsius y temperatura minimo 25 grado Celsius. Solo ta sali 07:05 am y ta baha 06:44 pm.

B i e n t o : modera te fuerte di direc-cion oost cu averahe di 9 nudo cu biento maximo di 19 nudo.

Situacion general: un area di presion halto riba lama Atlantico ta keda domi-na nos tempo pa e siguiente dianan y ta responsabel pa bi-ento modera te fuerte binien-do di direccion oost. Tempo

ta generalmente seco pero de bes en cuando nubianan cu ta trece awasero por crusa nos area pa un yobida leve y breve. Sinembargo e cantidad di awasero no ta significante.

Condicion di lama: olanan ta biniendo for di direccion oost noordoost cu haltura di 5 pa 7 pia. Tene cautela riba lama.

Pronosticoditempopaeweek-end y comienso di e siman: shelo parcialmente te leve-mente nubia. Chens pa un yobida breve y pasahero cu cantidad di awasero no sig-nificante. Biento ta keda fres-co te fuerte. Temperatura ta flota rond di normal. □



## Aries

ARIES- Bo mente ta skerpi y por resolve problemanan pendiente. Bo ta wak bo mes cu solucionnan magnifico cu ta pone bo den caminda di placa. Numbernan p'awe: 2, 16, 25 y 33.



## Tauro

TAURO- No laga ningun bon oportunidad pasa. Bo ta sinti bo mes satisfecho pa e forma cu bo ta conduciendo bo bida amoroso y contesta nan sentimental cu bo ta ricibi. Numbernan p'awe: 22, 32, 42 y 51.



## Geminis

GEMINIS- Ta acerca momentonan hopi grato den bo bida. Si bo no ta sigur di bo sentimentonan na momento di expresa na e persona ey cu tin su impacto pa bo, keda keto. Numbernan p'awe: 28, 32, 40 y 46.



## Cancer

CANCER- Bo ta descubri amistadnan cu ta hopi valioso. Bo ta logra combina bo inter-esnan afectivo cu bo realidad actual y pone bo pianan riba tera. Numbernan p'awe: 17, 26, 35.



## Leo

LEO- Sospecha y mal comprendemento di pasado lo keda aclaria. Lo bo obtene mas cu bo bon caracter y pasenshi, cu pelea y discu-sion. Amor ta envolve bo. No perde calma. Numbernan p'awe: 10, 16, 25 y 44.



## Virgo

VIRGO- Algo cu bo tabata tin miedo di dje no ta pasa manera cu bo a pensa cu lo bay pasa. Aunke bo tin cu enfrenta resistencia di parti di famia y amigonan, sigui cu bo bida. Numbernan p'awe: 8, 25, 38 y 47.



## Libra

LIBRA- Lo bo supera un contratiempo chikito. Debi na un mal interpretacion lo bo por dañ a un relacion of comunicacion cu bo pareha. Bo tin cu tene e vlam bibo. Num-bernan p'awe: 3, 13, 22 y 38.



## Scorpio

SCORPIO- No tur hende ta compronde loke bo kier bisa. Scoge bo palabranan. Si memey di un argumento, discusion cu bo pareha ta pone bo sinti tenta pa bis'e algo. Numbernan p'awe: 7, 16, 25 y 31.



## Sagitario

SAGITARIO- Ta accentua e miho cuali-dadnan di bo signo di candela. Ta sosode al-gun situacion cu ta combina den escenario diferente dentro di bo bida afectivo y social. Numbernan p'awe: 10, 26, 35 y 45.



## Capricornio

CAPRICORNIO- Lo bo tin decisionnan cu ta implica tuma un rumbo diferente na esun cu bo ta hibando. Prome cu opta pa solu-cionnan complica, pone bo pensamiento na ordo. Numbernan p'awe: 11, 26, 35 y 43.



## Aquario

ACUARIO- Momentonan amoroso nobo ta acercando, carga cu intensidad. Ta imper-ativo pa bo pone funciona e parti creativo y imaginario di bo signo di aire, Acuario. Numbernan p'awe: 10, 26, 35 y 43.



## Pisces

PISCIS- Un siman di decisionnan signifi-cativo den amor. Lo bo haya un sorpresa agradabel mente di e forma cu un persona cu bo ta admira ta expresa su mes esponta-neamente. Numbernan p'awe: 18, 24, 35 y 40.



*Tecla Kelly, Presidente di SAC*

# Fin di siman exitoso pa Carnaval di Aruba

**ORANJESTAD--** Ta remarcabel e publico grandi cu a acudi tanto na e eleccion di Reina Infantil como tambe na e Festival di Tumba den weekend. E ta un demostracion cla cu pueblo ta den gara di carnaval caba", asina Tecla Kelly, Presidente di SAC a bisa. E ta contento cu e nivel halto di organisacion y di e shownan riba escenario.

Hopi hende kisas no ta tene cuenta cu e cantidad di ora, energia y preparacion cu ta bay den cada evento asina, specialmente ora cu tin tanto candidata y tanto cantante

asina. Mester tene cuenta cu e organisacion riba escenario y pa maneha un publico asina grandi.

E aña aki SAC a cera un acuerdo cu Tele Aruba pa por a cumpra e transmisionnan pa sigura cu pueblo por sigui tur e eventonan di cerca, te den nan cas. "Mi ta contento di mira cu transmision via television no a stroba e presencia di pueblo, ta net su robes, mas hende a bin na ambos evento", asina Tecla Kelly a splica cu un bos di satisfaccion.

Celebracion di diamanta di carnaval di Aruba ta bayendo bon, pa cual ta premira mas evento exitoso den e simannan nos dilanti. Di otro banda ta scuchando di masha entusiasmo tambe den e gruponan mes, cu ta contando cu hopi inscripcion di carnavalistanan cla pa celebra 60 aña di nos carnaval.

Carnaval di Aruba a nace na aña 1954 caba, como tal e aña aki nos ta celebra 60 aña cu anualmente pueblo ta bini hunto pa muestra nos creatividad, ambiente y folklore manera nos so por. Na aña 1955 vari-

os club y districtonan a bini hunto pa organisa e carnaval y di eynan a eligi e prome Reina di Carnaval. E parada grandi tradicional a cuminsa desde aña 1957. Pero tabata dia 11 di november 1966 (11-11-66) pa 11:11am cu a funda Stichting Arubaanse Carnaval, SAC.

Desde e tempo ey e fundacion, forma pa un grupo grandi di boluntarionan cu hopi entusiasmo, ta traha duro pa organisa e diferente eventonan cu ta atrae un publico grandi di nos mesun ciudadanonan pero tambe turistanan. □



## CLASIFICADO ECONOMICO



**PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM**

**PASA LAGA BO AVISO NA OFICINA DI BON DIA ARUBA WESTSTRAAT #22  
OF MANDA BO AVISO VIA EMAIL NA: [michael.arends@cspnv.com](mailto:michael.arends@cspnv.com)**

### TA BENDE

Un Harley Davidson costum. Nobo gespuit, hopi chrome mes Prijs Afl. 25.000,= Pa mas informacion  
**Tel: 733-9993**

### TA BENDE

Un Kia Sorrento '06 Afl. 22.000,= Un quadriser Kymco MXV 300 '06 hopi bon condicion Afl. 6000,= automatic  
**Tel: 594-4210**

### TA BENDE

Un Hyundai Accent nov 2011 color bronze, automatic, airco, manera nobo, masha poco (km) cori, bon condicion. Pa mas informacion  
**Tel: 593-8862**

### TA BUSCA

Un kavel di Carnaval pa cumpra. Pa mas informacion  
**Tel: 640-7802**

### TA HUUR/FOR RENT

un Studio Apartment full muebla Afl.650 pa un persona incl. awa, coriente, gas, airco riba highway cel. 7418637 por drenta dia 9/2/14

### TA BENDE

Gordura pa mata, si bo cumpra 15 sako nos ta entrega nan. Saco di 50lb pa Afl. 8,00. Pa mas informacion yama  
**Tel: 564-4456**

### TA BENDE

un Hyandai Tiburon 2003, Coupe cu 4 mac reem bon condicion pa Afl. 10.000 recién gekeur  
**Tel: 567-4328**

### SERVICIO PUBLICO

Ta service airco split-Unit y Window Unit. Pa mas informacion yama  
**Tel: 565-5471**

### TA HUUR

Un oficina 114²m na Playa cu su baño y parkinglot.  
**Tel: 594-8842**

### TA BENDE

Mata di mispel, moringa, sorsaca, mango-machete (mango sin cabe) franse bloom, corianda y otro mata na Santa Martha #2 Pa mas info **564-4456**

### TA BENDE

Toyota Prius 2014 nobo color mandarin oraño, automatic, airco, wireless door key, 0km, Prijs negoshabel  
**Tel: 742-0662**

### TA BENDE

Un Ford Explorer 2012 hopi bon condition, garantia te cu 2015. Pa mas informacion  
**Tel: 561-7112**

### TA BENDE

Un Printer/copy and scanner machine. (3 in one) new Afl. 225,= Pa mas informacion  
**Tel: 594-5025**

### TA BENDE

Un Quadriser KYMCO 300, bon condicion, bon prijs un doño.  
**Tel: 594-9069 / 569-0125**



### MASSAGE

Professional Masseur, certified and diploma's from beauty with style. Email: [palmsaruba@hotmail.com](mailto:palmsaruba@hotmail.com)  
**Tel: 560-7823**

### TA BENDE

Un computer MPC, Windows 7, 300 GB hard-disk, 3GB Ram M. 24" Samsung monitor / tv, logitech keyboard cordless, logitech mouse cordless, 2 logitech speakers, scanner HP scanjet G2410 nobo Prijs Afl. 2.300,= **Tel: 594-9990**

**PA INFORMACION TOCANTE  
PROPAGANDA DEN BON DIA ARUBA  
[AVISO@BONDIA.COM](mailto:AVISO@BONDIA.COM)**

### TA BENDE

Un Piano Roland XP-80 bon condicion. Prijs Afl. 1000,= Pa mas informacion  
**Tel: 594-5025**

### TA BENDE

Un KIA Sorrento 2006 bon condicion, automatic power lock, cd player. Pa mas informacion yama  
**Tel: 594-9069 / 569-0125**

### TA BENDE

Ford F-350 dually full equipped 2000. 4 drs. wheel size 22", colo shinishi (silver), hopi piesa extra Prijs Afl. 35.000,- Pa mas informacion  
**Tel: 593-0403**

### TA BENDE

Chevrolet Avalanche 2002, 4x4 automatic, kibra pa piesa Afl. 2500,- Pa mas informacion  
**Tel: 594-9990**

### TA BENDE

Un Musical instruments pa forma banda musical Prijsnan ta discutibel. Pa mas informacion  
**Tel: 594-5025**

### TA BENDE

Un bunita bisti pa primer Santa Comunion, size 10 pa 12 masha elegante Esun cu bin prome lo haya bon prijs  
**Tel: 7418637**





# Proyecto IDEA ta sacando su frutanan

**ORANJESTAD--** Durante e gobernacion anterior, Minister Michelle Hooyboer-Winklaar kende tabata encarga cu e cartera di Asuntonan Economico, a lansa e proyecto IDEA. E idea tras di e proyecto aki ta pa contribui na formacion di un desaroyo sostenibel riba tereno di negoshi y engrandece productividad y eficiencia pa por tin un Mercado laboral fuerte y saludabel. E meta principal ta pa ofrece ayudo y guia extenso, GRATIS, na e comerciante cu kier cuminsa un negoshi chikito y cu hopi biaha ta topa cu diferente retonan manera conocimiento basico di negoshi, acceso na credito, tecnologia, mercado y diferente regulacionnan

existente. Durante e bishita na Graf von Zinzendorf Kleuterschool e mandatario a ricibi un sorpresa caminda un mayor di un di alumno di e kleuterschool, Sra. Laucyna Bodaan, a tuma e oportunidad aki cu tur 2 man y segura cu el a haci bon uzo di dje. E producto cu a sali for di e oportunidad aki ta un T-shirt di "I Love Baby Beach". Tumando nota cu e beach aki ta un di e beachnan mas bishita el a traha e producto aki cu awendia ta yud'e mantene henter su famia. El a gradici e mandatario di curason pa e idea aki di a lansa un proyecto aki cu ta yuda esunnan cu mester e extra push pa por habri nan mesun negoshi. □



## La Estrella ta lansa su campaña nobo pa gana un iPhone 5S

**ORANJESTAD--** La Estrella un biaha mas ta lansa un magnifico campaña unda cu tanto e clientenan como e no clientenan, por gana un bunita iPhone 5S. La Estrella sirbiendo pueblo di Aruba pa mas di 12 aña caba, a di-

cidi pa bolbe haci e campaña aki, debi na e gran exito cu su campananan ta alcansando den e ultimo temponan. Hopi ta esunnan cu kier participa pa gana un iPhone 5S nobo nobis y awor La Estrella ta cla pa regala bo esaki

cu e campaña aki. Esaki ta un bunita forma pa La Estrella duna algo bek na cu comunidad, como muestra di gradicimento y tambe pe confianza cu su clientenan ta pone den nan compania y servicio.

Pa por gana e tremendo premio aki, La Estrella a pone como reto pa Like, Comment & Share e potret di e iPhone 5S riba Facebook y asina gana e color di iPhone di bo gusto. Manera semper, e clientenan

fiel, pero tambe esunnan cu no ta cliente ainda, por participa y asina haya e chens di gana un bunita iPhone 5S. Pues no tarda mas y perde tempo, cuminsa Like, Comment & Share y gana bo iPhone preferi. □

## Votacion via SMS pa Reina Hubenil pa Carnaval 60 a start caba!



Nr 01 Lynn Xena  
Youth Champagne



Nr 02 Shandy Robles  
OPC Carnival Group



Nr 03 Shakira Quant  
Santa Cruz



Nr 04 Shaindra Ashby  
Royal Carnival Group



Nr 05 Dana Arendsz  
TOB Carnival Group



Nr 06 Gabriela Croes  
Oranjestad



Nr 07 Sammy-Jo  
Reina di skol

**ORANJESTAD--** SETAR un di e sponsornan oficial di Carnaval, e aña aki un biaha mas ta eligi e reinanan via electronica haciendo uzo di sistema di SMS. Ya e votacion pa Youth Queen of SETAR a start! Esaki ta nifica cu por vota caba pa bo candidata faborito caba. Tur locual bo tin di haci pa por vota pa "Youth Queen of SETAR" ta manda e palabra (Y) di Youth hunto cu e number di e candidata sea 1, 2, 3, 4, 5, 6 of 7 pa e number 222. Clientenan di SETAR por vota sea via nan celular of via e app di Carnaval cu SETAR a caba

di lansa. Den e app ta bay na e seccion di voting y por haya un bista di e status di cada candidata. Tambe riba e website di SETAR [www.setar.aw](http://www.setar.aw) tin un link cu por sigui e votacion. Por chempel, si kier vota pa e diferente reinanan ta manda: Y1 pa 222 pa vota pa Lynn Xena Angel representando Youth Champagne. Y2 pa 222 pa vota pa Shandy Robles de Medina representante di OPC Carnival Group. Y3 pa 222 pa vota pa Shakira Quant, representante di dis-

tricto di Santa Cruz. Y4 pa 222 pa vota pa Shaindra Ashby, representante di Royal Carnival Group. Y5 pa 222 pa vota pa Dana Arendsz, representante di TOB Carnival Group. Y6 pa 222 pa vota pa Gabriela Croes representante di distrito Oranjestad. Y7 pa 222 pa vota pa Sammy-Jo van Eenennaam representante di Reina di Scol. Cada voto via SMS pa 222 ta costa Afl.1,- y e ganadora di e votacion via SMS lo ricibi for di SETAR e titulo di "Youth Queen of SETAR SMS 2014" y tambe un premio. □